

宋

史

四六



一百二十三

宋史一百二十三

言上柱國軍國軍事前書丞相監脩國史領經筵事都總裁巨觥等奉

職官十雜制

賢引 導從 賜 叙封 致仕 食邑 實封 使職  
宮觀 贈官 叙封 致仕 蔭補

賢引

舊中書門下翰林學士御史中丞並緋衣雙引仍傳呼開寶

中學士止令一吏前導亦罷傳呼惟謝恩初上日雙引傳呼云使相僕射兩省五品已上

一吏前引樞密使兼相者二吏不賢引大中祥符五年止令於本廳賢引不帶相及副使止令本院紫衣

吏前賢引之淳化四年令東宮三少尚書丞郎入朝以緋衣吏

志

前導並通官呵止二品已上用朝堂驅使官餘用本司驅使官宰臣親王仍令紫衣一吏引馬

導從

中書樞密宣徽院御史臺開封府金吾司皆有常從景德三年詔諸行尚書文明殿學士資政殿大學士給從七人學士承節六人給事諫議舍人五人諸司三品四人於開封府金吾司差借每季代之中書先差金吾從人自今亦令參用開封府散從官宰臣參知政事僕射御史大夫中丞知雜皆通官呵止行人淳化四年今東宮三少尚書丞郎並通官呵止大中祥符五年以群官導從不合品式命翰林學士李宗諤龍圖

直學士陳彭年與禮官詳定宗諤等請自今除中書樞密  
宣徽使御史中丞知雜御史金吾并攝事清道如舊制呵  
導外僕射已上及三司使知開封府止四節尚書文明殿  
學士資政殿大學士三節丞郎已上三司副使兩節大兩  
省卿監一節小兩制御史郎中負外諸司四品三司開封  
府判官推官二人前行引不得過五步合於金吾借從人  
者以諸軍剩負代之又外任節制知州都監從軍士七十  
人通判十五人防團事知州都監五十人通判十人

河北  
河東

陝西駐泊兵處節鎮知州都監百轉運使三十人

咸平二  
年詔節

度觀察防團刺史或別鎮他鎮其給使者止令本使副使  
給之景德六年令牧守以州兵隨行者以一年為限

四十五  
二十五人提點刑獄官亦給軍士副留守節度行軍副使  
留守兩使判官給散從官十五人小尹掌書記支使防禦  
團練副使兩使推官十人兩浙推官防團軍事判官推官  
軍監判官七人錄事諸曹給承符人縣令簿尉手力弓手  
其代還者給人護送有差

賜六

劍履上殿

詔書不名

贊拜不名

入朝不趨

紫金魚袋

緋魚袋

右升朝官該恩著綠二十周年賜緋魚袋着緋及二

十周年賜紫金魚袋

特旨者係  
臨時指揮

食邑

一萬戶

八千戶

七千戶

六千戶

五千戶

四千戶

三千戶

二千戶

一千戶

七百戶

五百戶

四百戶

三百戶

二百戶

右宰相親王樞密使經恩加一千戶兩府使相節度使七百戶宣徽三司使觀文殿大學士以下至直學士文臣侍郎武臣觀察使宗室正任以上皇子上將軍駙馬都尉加五百戶宗室大將軍以上加四百戶知制誥待制并文臣少卿監武臣諸司副使宗室副

率已上并承制崇班軍負等初該恩加三百戶承制  
崇班軍負再該恩二百戶三千戶以上雖有加例緣  
無定法親王重臣特加有至萬戶者

食實封

一千戶

八百戶

五百戶

四百戶

三百戶

二百戶

一百戶

右宰臣親王樞密使經恩加四百戶兩府使相節度  
宣徽使皇子上將軍并宗室駙馬都尉任觀察使已  
上加三百戶觀文殿學士并宗室正任已上騎都尉  
加二百戶武臣崇班宗室副率已上加一百戶五百

戶已上雖有加例緣無定法親王重臣有特加至數千戶者

三朝志云檢校兼試官之制檢校則三師三公僕射尚書散騎常侍賓客祭酒卿監諸行郎中員外郎之類兼官則

御史大夫中丞侍御殿中監察御史試秩則大理司直評事祕書省校書郎凡武官內職軍職及刺史已上皆有檢校官兼官內殿崇班初授檢校祭酒兼御史大夫三班及

吏職蕃官諸軍副都頭加恩初授檢校太子賓客兼監察

御史自此累加焉廂軍都指揮使止於司徒軍都指揮使忠佐馬步都頭止於司空親軍都虞候

忠佐副都頭以上止於僕射諸軍指揮使止於幕職初授吏部尚書其官止若遇恩例則或加階爵功臣



則試校書郎再任如至兩使推官則試大理評事掌書記  
支使防禦團練判官以上試大理司直評事又加則兼監  
察御史亦有至檢校員外郎已上者行軍副使皆檢校員  
外已上朝官階勲高遇恩亦有加檢校官郎中則卿監少  
監員外郎則郎中太常博士以下則員外郎並無兼官其  
解褐評事校書郎正字寺監主簿助教者謂之試銜有選  
集同出身例

使職兼領者親祀南郊則有大禮禮儀儀仗鹵簿橋道頓  
遞五使藉田泰山封禪汾陰奉祀恭上寶冊南郊恭謝皆  
如之自餘行禮或止有大禮禮儀使

建隆中南郊置儀仗都部署副都署經

始大禮則有經度制置使副巡幸有行宮都部署行宮有

三司使副使判官行宮使都監舊南郊止有御營使咸平中置行宮使又有

車駕前後行宮四面闌前收後郊壇巡檢巡闌儀仗勾當

編排鹵簿其百司皆有行在之名舊巡幸百司皆稱隨駕大中祥符初並同行在

其京師居留則有大內都部署皇城都點檢巡檢及增新

舊巡檢大閱亦置征行則有招討使招安使或云捉賊招安安撫使名者排

陣使都監前軍先鋒大陣行營壕砦頭車洞子招收部署

鈐轄都監策應之名又有拐子馬無地名馬選武幹者別類之親征則冠以駕

前之號廉訪民瘼則有巡撫大使副大使安撫使副使都

監採訪使副使或官卑者止云巡撫安撫無使字加禮外國則有國信接

伴送伴使副弔祭大帥若是又有翻譯經潤文使宰相為使以翰

林學士為潤文官 伸達冤濫則有理檢使勸課農桑則有勸農使

講修馬政則有羣牧制置使最後明堂祫饗置五使如南

郊其一時特置者則各具志傳或臨事更制者事畢即停

內外名務繁細者猶不具載

叙階之法開府儀同三司至將仕郎為文散官驃騎大將

軍至陪戎副尉為武散官太平興國元年改正議大夫為正奉通議大夫為朝奉朝議郎

為朝奉承議郎為承直奉議郎為奉直宣義郎為通直 京朝官幕職自將仕郎至朝

奉郎每加五階至朝散大夫已上每加一階朝散銀青者

須已服緋紫者入令錄判司簿尉每加一階并幕職計考

當服緋紫者皆奏加朝散銀青階諸司使已上如使額高

者加金紫階內殿崇班初授則銀青階三班軍職使職遇恩檢校兼官並除

銀青階丁憂者起復使相則授雲麾將軍使相仍加金吾上將軍同正節度使

大將軍同正留後以下無之其胥吏掌事而至衣緋者則授游擊將軍

千牛備身則授陪戎副尉以上

改賜功臣勳官自上柱國至武騎尉五代以來初叙勳官

即授柱國淳化元年詔自今京官幕職州縣官始武騎尉

朝官始騎都尉三班及軍負吏職經恩並授武騎尉又詔

古之勳爵悉有職奉之蔭贖宜以今之所授與散官等不

得用以蔭勳封爵之差唐制王食邑五千戶郡王國公三

千戶開國郡公二千戶縣公千五百戶縣侯千戶伯七百

戶子五百戶男三百戶又有食實封者戶給縑帛每賜爵

遞加一級唐宋及五代始有加邑特戶而罷去實封之給

又去縣公之名封侯以郡宋初沿其制文臣少監少卿以

上武臣副率以上內職崇班以上有封爵丞郎學士刺史

大將軍諸司使以上有實封但以增戶數為差不係爵級

邑過其爵則并進爵焉止於郡公每加食邑自千戶至二

百戶實封自六百戶至百戶親王重臣或特加有踰千戶

者郡公食邑有累加至萬餘實封至數千戶者皇屬特封郡公縣公或贈侯者

無開國字

侯亦在開國郡公之上

又采秦制賜爵曰公士

瑞拱二年賜諸州高

年一百二十七人爵公士景德中福建民有擒獲強盜者當授鎮將以遠俗非所樂並賜公士自後率爲例

功臣者唐開元間賜號開元功臣代宗時有寶應功臣德宗時有奉天定難元從功臣之號僖宗將相多加功臣美名五代寢增其制宋初因之凡宣制而授者多賜焉參知政事樞密副使刺史以上階勲高者亦賜之中書樞密則推忠協謀親王則崇仁佐運餘官則推誠保德翊戴掌兵則忠果雄勇宣力外臣則純誠順化宰相初加即六字餘並四字其累加則二字中書樞密所賜若罷免或出鎮則改之其諸班直將士禁軍則賜拱衛翊衛等號遇恩累加但改其名不過兩字

# 宮觀

宋制設祠祿之官以佚老優賢先時負數絕少熙寧以後

乃增置焉在京宮觀舊制以宰相執政充使或丞郎學士

以上充副使兩省或五品以上為判官內侍官或諸司使

副政和改武臣官制以使為大夫以副使為郎為都監又有提舉提點主管其

戚里近屬及前宰執留京師者多除宮觀以示優禮時朝

廷方經理時政患疲老不任事者廢職欲悉罷之乃使任

宮觀以食其祿王安石亦欲以此處異議者遂詔宮觀毋

限負並差知州資序人以三十月為任又詔杭州洞霄宮

亳州明道宮華州雲臺觀建州武夷觀台州崇道觀成都

玉局觀建昌軍仙都觀江州太平觀洪州玉隆觀五嶽廟  
自今並依嵩山崇福宮舒州靈仙觀置管幹或提舉提點  
官奉給大兩省卿監及職司資序人視小郡知州知州資  
序人視小郡通判武臣倣此四年詔宮觀嶽廟留官一員  
餘聽如分司致仕例從便居住六年詔卿監職司以上提  
舉餘官管幹又有以京官爲幹當者又詔年六十以上者  
乃聽差毋過兩任又詔兼用執政恩例者通不得過三任  
元豐中王安石以左僕射觀文殿大學士爲集禧觀使呂  
公著韓維以資政殿學士兼侍讀仍提舉中太一宮兼集  
禧觀公事元祐間馮京以觀文殿學士梁燾以資政殿學



士爲中太一宮醴泉觀使范鎮落致仕以端明殿學士提  
舉中太一宮兼集禧觀公事三年詔橫行使副無兼領者  
許兼宮觀一處六年詔橫行狄詒宋球旣領皇城司罷提  
點醴泉觀元符元年高遵固年八十一乞再任宮觀高遵  
禮年七十六乞再任亳州太清宮又從其再任之請以待  
遇宣仁親屬故也大觀元年趙挺之以觀文殿大學士爲  
佑神觀使政和六年詔措置宮觀如萬壽醴泉近百員更  
不立額靖康元年詔內外官見帶提舉主管神霄玉清萬  
壽宮並罷大抵祠館之設均爲佚老優賢而有內外之別  
京祠以前宰相見任使相充使次充提舉餘則爲提點爲

主管皆隨官之高下處以外祠選人爲監獄廟非自陳而朝廷特差者如黜降之例紹興以來士大夫多流離困厄之餘未有闕以處之於是許以承務郎以上權差宮觀一

次續又有選人在部無闕可入與破格獄廟者亦有以宰

執恩例陳乞而與之者月破供給非責降官並月破供給依資序降二等支理

爲資任意至厚也然初將以撫安不調之人末乃重僥求

泛與之弊於是臣僚交章欲罷供給以絕干請變理任以

抑僥倖嚴按格以去泛濫上並從之自是以後稍復祖宗

條法之舊又有年及七十耄昏不堪牧養而不肯自陳宮

觀者復申明舊法著爲定令以律之舊制六十以上知州資序人本部長官體

量精神不致昏昧堪釐務者許差一任兼用執政官陳乞者加一任紹興三十二年臣僚言郡守之職其任至重昨朝廷以年及七十令吏部與自陳官觀乞將前項指揮永為著令從之蓋不當請而請則冗

瑣者流競竊優閑廩稍或當請而不請則知進而不知退識者羞焉一祠館之與奪不可不謹如是故重內祠專使

職所以崇大臣之體貌一次以定法再任以示恩紹熙五年慶壽

赦應文武臣宮觀嶽廟已滿不應再陳者該京官以上二今來慶壽恩年八十以上特許更陳一次

年選人三年凡待庶僚者皆於優厚之中寓閑制之意焉

### 贈官

建隆已來凡有恩例文武朝官諸司使副禁軍及藩方馬步都指揮使以上父亡皆贈官親王贈三官可贈者贈二

官追加大國皇屬近親如之追加封爵服踈及諸親之服  
近者贈一官宰相樞密使贈二官使相參知政事樞密副  
使尚書已上三司使節度使留後觀察使統軍上將軍內  
臣任都知副都知者贈一官此皇族及臣僚薨卒贈官之  
法也其官秩未至而因勲舊褒錄或沒王事雖卑秩皆贈  
官加等者並係臨時取旨至於母后后族臣僚錄其先世  
各有等差太皇太后皇太后皇后並贈三世婕妤二世貴  
人止贈其父而已宰相三師三公王尚書令中書令侍中  
樞密使副知院同知院事參知政事宣徽使簽書同簽書  
樞密院事觀文殿大學士節度使並贈三世東宮三師僕

射留守節度使三司使觀文殿學士資政殿大學士並贈

二世餘官或見任或致仕並贈一世有兄弟同贈者贈官

加一等父在止一資文臣有出身贈至祕書監無出身至

光祿卿武臣至金吾衛上將軍止凡贈官至三世者初贈

東宮三少次東宮三太次三公次中書令次尚書令次封

小國自小國升次國自次國升大國已大國者移國名而

已亦有不移者若父祖舊官已高者自從舊官加贈凡追封不

得至王爵兩省官及待制大卿監諸衛上將軍觀察使正

任防禦使遙郡觀察使景福殿使客省使若子見任或父

曾任此官並贈至三公止父子官俱不至者文臣贈至諸

行尚書止武臣贈至節度使諸衛上將軍止即父曾任中書樞密使使相節度使并一品官者無止限待制已上持服經恩服闋亦許封贈尚藥奉御至醫官使曾任文資許換南班官司天監官贈不得過大卿監仍不許換南班官凡贈至正郎許以所贈官換朝散大夫階大卿監以上許換銀青階贈至二世者即除朝散大夫階三世則金紫階

咸平四年詔舍人院詳定知制誥李宗諤等請追贈三世如舊其東宮一品以下雖曾任宰相止從本品文武群臣功隆位極者特恩追封王爵亦如舊若因子孫封贈雖任將相並不許封王仍須歷品而贈勿得超越從之宰相初拜有即贈三世者其後簽書樞密以上皆即時贈他官須經恩學士及刺史以上內侍都知押班皆中書奉行餘則有司奏請

叙封

唐制視本官階爵建隆三年詔定文武羣臣母妻封號太  
 皇太后皇太后皇后曾祖母祖母母並封國太夫人諸妃  
 曾祖母祖母母並封郡太夫人姨妯祖母母並封郡太君  
 貴人母封縣太君宰相使相三師三公王侍中中書令舊  
尚書曾祖母祖母母封國太夫人妻國夫人樞密使副知  
 院同知參知政事宣徽節度使曾祖母祖母母封郡太夫  
 人妻郡夫人簽書樞密院事曾祖母祖母母封郡太君妻  
 郡君同知樞密院以上至樞密使參知政事再經恩及再  
 除者曾祖母祖母母加國太夫人三司使祖母母封郡太

君妻郡君東宮三太文武二品御史大夫六尚書兩省侍郎太常卿留守節度使諸衛上將軍嗣王郡王國公郡公縣公母郡太夫人妻郡夫人常侍賓客中丞左右丞侍郎翰林學士至龍圖閣直學士給事中諫議大夫中書舍人卿監祭酒詹事諸王傅大將軍都督中都護副都護觀察留後觀察使防禦使團練使並母郡太君妻郡君庶子少卿監司業郎中京府少尹赤縣令少詹事諭德將軍刺史下都督下都護家令率更令僕母封縣太君妻縣君其餘升朝官已上遇恩並母封縣太君妻縣君雜五品官至三任與叙封官當叙封者不復論階爵致仕同見任亡母及



亡祖母當封者並如之父亡無嫡繼母聽封所生母伎術

官不得叙封自宰相至簽書樞密院叙封與三世同他官

惟品至者即時擬封餘皆俟恩乃封咸平四年從舍人院

詳定群臣母妻所封郡縣依本姓望封天禧元年令文武

聽封生母曾任升朝而致仕即許叙封令給諫舍人母並

封郡太君妻郡君四年又令翰林學士至龍圖閣直學士

如給封贈之典舊制有三代二代一代之等因其官之高

下而次第焉凡初除及每遇大禮封贈三代者太師太傅

太保左右丞相少師少傅少保樞密使開府儀同三司知

樞密院事參知政事同知樞密院事樞密副使簽書樞密

院事凡遇大禮封贈三代者節度使三代初封曾祖朝奉

郎祖朝散郎父朝請郎簽書樞密院事降一等凡封父祖

係武臣者視文武臣封贈對換格封贈一代亦如之初贈

曾祖太子少保祖太子少傅父太子少師封贈曾祖母祖

母母妻國夫人執政官簽書樞密院事郡夫人凡遇大禮封贈二代者太

子太師太子太傅太子太保特進觀文殿大學士太子少

師太子少傅太子少保御史大夫觀文殿學士資政保和

殿大學士金紫光祿大夫銀青光祿大夫光祿大夫左右

金吾衛上將軍左右衛上將軍二代初封祖通直郎父奉

議郎初贈祖朝奉郎父朝散郎封贈祖母母妻郡夫人觀文

殿學士資政保和殿大學士並淑人凡遇大禮封贈一代者文臣通直郎以

上武臣修武郎以上一代初封贈父文臣承事郎武臣內侍伎術官將校並忠訓郎母妻孺人

### 凡文臣贈官

通直郎以上

寺監官以上未升朝者雜壓在通直郎之上同

每贈兩官至奉直大

夫一官

有出身不贈奉直大夫中散大夫

太子太師太子太傅太子太保

特進觀文殿大學士太子少師太子少傅太子少保御史

大夫觀文殿學士資政保和殿大學士六曹尚書金紫光

祿大夫銀青光祿大夫光祿大夫翰林學士承旨翰林學

士資政保和端明殿學士龍圖天章寶文顯謨徽猷敷文

閣學士左右散騎常侍權六曹尚書御史中丞開封尹六

曹侍郎樞密直學士龍圖天章寶文顯謨徽猷敷文閣直

學士每贈三官至奉直大夫二官至通議大夫一官

有出身人

不贈奉直中散二大夫

凡文武臣封贈對換

諸文武臣封贈對換以所加官準格對換並聽從高

承事郎換忠訓郎宣義郎換從義秉義郎宣教郎換訓武

修武郎通直郎換武義武翼郎奉議郎換武節武略武經

郎承議郎換武功武德武顯郎朝奉郎換武義武翼大夫

朝散郎換武節武略武經大夫朝請郎換武功武德武顯

大夫朝奉大夫換遙郡刺史朝散大夫換遙郡團練使朝

請大夫換遙郡防禦使奉直朝議大夫換刺史中散中奉

四百五  
大夫換團練使中大夫換防禦使太中大夫通議通奉大  
夫換觀察使正議正奉宣奉大夫換承宣使光祿大夫銀  
青金紫光祿大夫換節度使

凡文武官父任承直郎以下贈官

承直郎留守節察判官留守府判官節度判官承議郎儒  
林郎支掌防團判官節度掌書記觀察支使防禦判官團  
練判官奉議郎文林郎從事郎從政郎兩使初等職官令  
錄留守推官觀察推官軍事判官軍事推官司錄參軍錄  
事參軍團練推官軍監判官防禦判官縣令通直郎修職  
郎知令錄知司錄參軍知錄事參軍縣丞宣教郎迪功郎

判司簿尉軍巡判官司理參軍司法參軍司戶參軍主簿  
縣尉宣義郎

致仕

凡文武朝官內職引年辭疾者多增秩從其請或加恩其  
子孫乾德元年太子太師致仕侯益來預郊祀太祖優待  
之因詔曰群官列位自有通規舊德來朝所宜加禮且表  
優賢之意用敦尚齒之風自今一品致仕官曾帶平章事  
者每遇朝會宜綴中書門下班二年令藩鎮帶平章事求  
休致者亦如之咸平五年詔文武官年七十一以上求退  
者許致仕因疾及有贓犯者聽從便牧伯內職三班皆換

環衛幕職州縣外官景德元年三月詔三班使臣七十以上視聽未衰者與釐務其老昧不任及年七十五以上者借職授支郡上佐奉職殿直授節鎮上佐不願者聽歸鄉里凡升朝官遇慶恩父在者授致仕官其不在者文官始大理評事武官始副率再經恩累加焉祖在而求回授者亦聽皆不給奉亦有子居要近加賜章服者 天聖明道間員外郎已上致仕者錄其子試祕書省校書郎三丞已上爲太廟齋郎無子聽降等官其嫡孫若弟姪一景祐三年詔曰致仕官舊皆給半奉而未嘗爲顯官者或貧不能自給豈所以遇高年養廉恥也其大兩省大卿監正刺史

閣門使以上致仕者自今給奉並如分司官例仍歲時賜  
羊酒米麩令所在長吏常加存問其後又許致仕官子孫  
免選除近官四年臣僚有請致仕未及錄其子孫而遽亡  
者命旣出輔臣皆謂法當追收仁宗憫之竟官其後侍御  
史知雜事司馬池言文武官年七十以上不自請致仕者  
許御史臺糾劾以聞慶曆中權御史中丞賈昌朝又言臣  
僚年七十而筋力衰者並優與改官致仕雖七十而未衰  
及別有功狀朝廷固留任使者勿拘此令在京若尚書工  
部侍郎俞獻卿少府監畢世長太常少卿李孝若尚書駕  
部郎中李士良在外若給事中盛京光祿卿王盤太常少



卿張儆尚書兵部郎中張億皆老昏不可任事並請除致仕詔在京者令中書體量在外者下諸處曉諭之皇祐中知諫院包拯吳奎亦言願令御史臺檢察年七十已上移文趣其請老不即自陳者直除致仕朝廷未行奎復言國家謹禮法以維君子明威罰以御小人君子所顧者禮法也小人所畏者威罰也繇文武二選爲士大夫是皆君子之地也儻不以禮法待之則是廢名器而輕爵祿七十致仕學者所知而臣下引年自陳分之常也人君好賢樂善而留之仁之至也自三代以來用此以塞貪墨聳廉隅近者句希仲陸軫等皆以年高特與分司初欲風動羣臣而

在位殊未有引去者是臣言未效也請詳前奏施行於是  
詔少卿監以下年七十不任釐務者外任令監司在京委  
御史臺及所屬以狀聞嘗任館閣臺諫官及提點刑獄者  
令中書裁處待制已上能自引年則優加恩禮然是時言  
事之人競欲擊劾大臣有高年者俱不自安仁宗手詔曰  
老臣朕之所眷禮也進退體貌恩意豈不有異哉凡嘗預  
政事之臣自今毋或遽求引去臺諫官勿以爲言其風動  
勸勵之方又如此至於因事責降分司或老病不任官職  
之事或居官犯法或以不治爲所部劾奏衝替而求致仕  
者子孫更不推恩雖或推恩其除官例皆降等若耆老舊

臣體貌優異賞或延于子孫奉或全給半給歲時問勞皆有禮意治平四年神宗即位龍圖閣直學士兼侍讀李東之李受相繼致仕舊制閣門無謝辭例帝特召東之對延和殿命坐賜茶以受先朝藩府舊僚升其子一任差遣并錄其孫皆宴餞資善堂命講讀官賦詩御製詩序以寵其行示異數也是歲又以果州團練使何誠用惠州防禦使馮承用嘉州團練使劉保吉昭州刺史鄧保壽皆年七十以上至八十餘並特令致仕以樞密院言致仕雖有著令臣僚鮮能自陳故也熙寧元年以定國軍節度使李端愿爲太子少保致仕故事多除上將軍帝令討閩唐制優加

是命二年以觀文殿學士吏部尚書趙槩爲太子少師致仕故事再請則許槩三乞始從優者舊也三年編脩中書條例所言人臣非有罪惡致仕而去人君遇之如在位時禮也近世致仕並與轉官蓋以昧利者多知退者少欲加優恩以示勸獎推行旣久姑從舊例若兩省正言以上官三班使臣大使臣橫行正任等並不除爲致仕官致仕帶職者皆落職而後優遷其官看詳別無義理但致仕恩例不均如諫議大夫不可改給事中並轉工部侍郎乃是超轉兩資工部尚書並除太子少保乃是超轉六資若知制誥待制官卑者除卿監緣知制誥待制待遇非與卿監比

今他官致仕皆得遷官此獨因致仕更見退抑供奉官侍  
禁八品除率府副率蓋六品諸司副使承制崇班七品除  
將軍乃三品至於節度使除上將軍防禦團練刺史並除  
大將軍緣諸衛名額不一至有刺史除官高於防禦使者  
今若令文武官帶職致仕人許仍舊職止轉一官及文臣  
正言武臣借職以上皆得除爲致仕官則無輕重不等之  
患若選人令錄以上並除朝官經恩皆得封贈蔭及數世  
旁支例得贖罪免役又京官致仕亦止遷一官若光祿寺  
丞致仕有出身除祕書省著作佐郎無出身除大理寺丞  
而令錄職官乃除太子中允或中舍殊未爲當若進納出

身人例除京官至有經覃恩遷至升朝官者類多兼并有  
力之家皆免州縣色役及封贈父母如京官七品除衙前  
外亦免餘色役尤爲僥倖條例繁雜無所適從如錄事參  
軍或除衛尉寺丞或除大理評事或除奉禮郎恩例不同  
可以因緣生弊今定凡文臣京朝官以上各轉一官帶職  
仍舊不轉官乞親屬恩澤者依舊條選人依本資序轉合  
入京朝官進納及流外人判司簿尉除司馬令錄除別駕  
在京諸司勒留官依簿尉以上親賢勞舊合別推恩者取  
旨歷任有入已贓不得乞親戚恩澤仍不遷官其致仕官  
除中書樞密院外並在見任官之上致仕及三年之上元

非因過犯年未及七十不曾經叙封及陳乞親戚恩澤却願仕宦並許進狀叙述若有薦舉者各依元資序授官其才行爲衆所知朝廷特任使者不拘此法從之自此宰相以下並帶職致仕四年以端明殿學士尚書右丞王素爲工部尚書端明殿學士致仕觀文殿學士兵部尚書歐陽脩爲太子少師觀文殿學士致仕帶職致仕自素始也五年守司空兼侍中曾公亮遷守太傅致仕特許入謝以公亮逮事三朝旣加優禮仍給見任支賜十月詔兩省以上致仕官母得因大禮用子升朝叙封遷官先是王安石言李端愿李東之叙封中書失檢舊例法當改正帝曰如此

則獨不被恩安石曰叙封初無義理今既未能遽革庸可承誤爲例如三師三公官因子孫郊恩叙授尤非宜也帝從之元豐三年詔自今致仕官遇誕節及大禮許綴舊班以禮部侍郎范鎮居都城外遇同天節乞隨散官班上壽帝令鎮班見任翰林學士上故有是詔又詔致仕官朝失儀勿劾並著爲令又詔自今致仕官領職事者許帶致仕該遷轉者轉寄祿官若止係寄祿官即以本官致仕其見任致仕官除三師三公東官三師三少外餘並易之六年以守太尉開府儀同三司知河南府文彥博爲河東永興節度使守太師致仕彥博辭兩鎮止以河東舊鎮貼麻行



下彥博又言前辭闕下之日嘗奏得致仕後當親辭天陛  
今既得請欲赴闕廷降詔從之七年詔文臣中大夫武臣  
諸司使以下致仕更不加恩元祐元年樞密院奏諸軍年  
七十若以疾假滿百日不堪醫治差使者諸廂都指揮使  
除諸衛大將軍致仕諸軍都指揮使諸班直都虞候帶遙  
郡除諸衛將軍致仕諸班直上四軍除屯衛拱聖以下除  
領軍衛並有功勞者爲左無則爲右從之四年詔應乞致  
仕而不願轉官者受敕後所屬保明以聞當與推恩中大  
夫至朝奉郎及諸司使本宗有服親一人蔭補恩澤橫行  
諸司副使見有身自蔭補人及內殿承制崇班閣門祗候

見理親民并承議奉議郎許陳乞有服親一人恩例中大  
夫中散大夫諸司使帶遥郡者蔭補外準此即朝奉郎以  
上及諸司使雖未授敕而身亡在外者以乞致仕狀到門  
下省日在京以得旨日亦許陳乞有服親一人恩例六年  
監察御史徐君平言文臣致仕以年七十爲斷而使臣年  
七十猶與近地監當至八十乃致仕願許其致仕之年如  
文臣法而給其奉從之三省言張方平元係宣徽南院使  
檢校太傅太子少師致仕元豐官制行廢宣徽使元祐三  
年復置儀品恩數如舊制方平依舊帶宣徽南院使致仕  
紹聖三年詔文武官該轉官致仕依舊出告外其餘守本

官致仕者並降敕更不給告內因致仕合該乞恩澤人更不具鈔令尚書省通書三司入熟狀仍不候印畫又詔應臣僚丁憂中不許陳乞致仕建中靖國元年尚書省言臣僚在憂制中不得陳乞致仕其間有官序合得致仕恩澤之人合行立法詔臣僚丁憂中遇疾病危篤其官序合該致仕恩澤者聽以前官經所屬自陳大觀二年詔致仕官年八十以上應給奉者以緡錢充政和六年提舉廣東學事孫璘言諸州致仕官居鄉者乞許令赴貢士宴擇其年彌高者而博事之使長幼有序獻酬有禮人知里選之法孝悌之義從之宣和四年詔六曹尚書致仕遺表恩澤共

與四人其餘侍從官三人立爲定制建炎間嘗詔文武官  
陳乞致仕朝廷不從致有身亡之人許依條陳乞致仕恩  
澤及陳乞致仕而道路不通不曾被受敕命亦許州軍保  
明推恩時强行父博學清修不緣事故疾病慨然請老葉  
份言之許令再仕王次翁年未六十浩然休退呂祉言之  
落致仕特令再仕凡類此者蓋因其材而挽留之也直祕  
閣致仕鄭南掛冠已久年德俱高大臣言之詔除祕閣修  
撰仍舊致仕優其恩不奪其志也呂頤浩以少保乞除一  
寄祿官致仕詔除少傅依前鎮南軍節度使成國公致仕  
韓世忠以太傅鎮南武安寧國軍節度使充醴泉觀使咸

安郡王乞身詔除太師致仕因將相之知止而優其歸也  
楊惟忠邢煥皆以節度致仕臣僚言祖宗時節將臣僚得  
謝不以文武並納節除一官以今日不復納節換官爲非  
詔今後依祖宗典故蓋不以私恩勝公法也昭慶軍節度  
使開府儀同三司充萬壽觀使韋淵乞守本官致仕詔免  
赴朝參仍依兩府例合破請給人從優親之恩而異之也  
隆興以後因臣僚言年七十不陳乞致仕者除合得致仕  
或遺表恩澤外並不許遇郊奏薦已而復詔郊祀在近未  
致仕人更許陳乞奏薦一次可以不予而予之示厚恩也  
執政在謫籍者陳乞致仕雖許叙復而寢罷合得恩澤只

據見存階官蔭補淳熙十六年寧武軍承宣使提舉佑神  
觀王友直復奉國軍節度使致仕臣僚論列仍守本官職  
致仕可以予而不予嚴公法也抑揚輕重間可以見優老  
恤賢之意可以識制情抑倖之術故備錄于篇

文臣蔭補

太師至開府儀同三司子承事郎孫及期親承奉郎大功  
以下及異姓親登仕郎門客登仕郎不理  
選限知樞密院事

至同知樞密院事子承奉郎孫及期親承務郎大功以下  
及異姓親登仕郎門客登仕郎不理  
選限太子太師至保和

殿大學士子承奉郎孫及期親承務郎大功以下登仕郎

異姓親將仕郎 太子少師至通奉大夫子孫及期親承

務郎大功親登仕郎異姓親登仕郎小功以下親將仕郎

御史中丞至侍御史子承務郎孫及期親登仕郎大功

將仕郎小功以下及異姓親將仕郎 中大夫至中散大

夫子通仕郎孫及期親登仕郎大功將仕郎小功以下將

仕郎 太常卿至奉直大夫子登仕郎孫及期親將仕郎

大功小功親將仕郎 國子祭酒至開封少尹子孫及小

功以上將仕郎 朝請大夫帶職朝奉郎以上理職司資序及不帶

職致仕者同 子將仕郎小功以上親將仕郎總麻上州文學注

官一任回注正官謂帶職朝奉郎以上士歿應蔭補者 廣南東西路轉運副使子

登仕郎孫及期親將仕郎提點刑獄子將仕郎孫及期親將仕郎

武臣蔭補

樞密使開府儀同三司子秉義郎孫及期親忠翊郎大功以下親承節郎異姓親承信郎 知樞密院事同知樞密院事樞密副使太尉節度使子忠訓郎孫及期親成忠郎大功承節郎小功以下及異姓親承信郎 諸衛上將軍承宣使觀察使通侍大夫子成忠郎孫及期親保義郎大功以下承信郎及異姓親承信郎 樞密都承旨正侍大夫至右武大夫防禦使團練使延福宮使至招宣使任入



內侍省都知以上子保義郎孫及期親承節郎大功以

下親

內各奏異姓親者同

承信郎

刺史子承節郎孫及期親承信

郎大功以下進武校尉

諸衛大將軍武功至武翼大夫

樞密承旨至諸房副承旨子承節郎孫及期親承信郎大

功以下進武校尉

諸衛將軍正侍至右武郎武功至武

翼郎子承信郎孫進武校尉期親進義校尉 樞密院逐

房副承旨子承信郎

訓武脩武郎及閣門祗候子進義

校尉

忠佐帶遙郡者每兩遇大禮蔭補子刺史進武校

尉團練使防禦使承信郎

臣僚大禮蔭補

宰相執政官本宗異姓門客醫人各一人東宮三師三少

至諫議大夫權六曹侍郎  
侍御史同本宗一人 寺長貳監長貳祕

書少監國子司業起居郎舍人中書門下省檢正尚書省

左右司郎官樞密院檢詳若六曹郎中殿中侍御史左右

司諫開封少尹子或孫一人

致仕蔭補


曾任宰相及見任三少使相三人曾任三少使相執政官

見任節度使二人太中大夫及曾任尚書侍郎及右武大

夫以上并曾任諫議大夫以上及侍御史一人

遺表蔭補

二百十五  
曾任宰相及見任三少使相五人曾任執政官見任節度  
使四人太中大夫以上一人諸衛上將軍承宣使四人觀  
察使三人



志卷第一百二十三

志卷第一百二十四

宋史二百七十一

開府儀同三司上柱國錄軍國軍事前書右丞相兼樞密使領經筵事都總教習等奉

勅修

職官十一 奉祿制上

奉祿匹帛

僉人衣糧

職錢 厨料

祿粟

薪炭諸物

奉祿

自宰臣而下至岳瀆廟令凡四十一等

宰相樞密使月三百千

春冬服各綾二十四匹 絢三十匹冬綿百兩

樞密使

帶使相侍中樞密使

春冬衣同宰相

節度使同中書門下平

章事已上及帶宣徽使并前兩府除節度使及節度

使移鎮樞密使副知院帶節度使四百千參知政事

樞密副使知樞密院事同知樞密院事及宣徽使不

帶節度使或檢校太保簽書樞密院事三司使二百

千春冬各綾十四春絹十四冬二十匹綿五十兩自宰相而下春各加羅一匹檢校太保簽書者春冬

綿二十四兩節度觀察留後知樞密院事及充樞密副

使同知樞密院事并帶宣徽使簽書樞密院事三百

千綾絹羅綿同觀文殿大學士料錢衣賜資政殿大

學士料錢衣賜翰林學士承旨學士龍圖天章閣直

學士知制誥龍圖天章閣學士綾各五匹絹十七匹自承旨而下加羅一

匹綿五十兩已上奉隨本官衣賜如三師三公百二

本官例大即依本官例小即依逐等

十千綾各十四東宮三司僕射九十千綾各五匹東

宮三少御史大夫尚書六十千門下中書侍郎太常

宗正卿左右丞諸行侍郎御史中丞五十千春冬各綾五匹

綉十七匹惟中丞綾七匹綉二匹權御史中丞者給本官奉太子賓客四十五千

綾綉同左右散騎常侍六十千給事中中書舍人太

卿監國子祭酒太子詹事四十五千諫議四十千春冬

綾各三匹綉十五匹舊志太常宗正卿左右丞侍郎充翰林承旨及侍讀侍講各綾七匹綉二十匹中書舍人

若充翰林學士綾五匹綉十七匹他官充龍圖閣學士樞密直學士並準此龍圖閣學士知制誥同諫議

之權三司使并權發遣使公事料錢衣賜副使五十

千春綾三匹冬綾五匹春冬綉各十五匹自三師以

及發遣以至子司主判河渠勾當公事同左右諭德

管勾河渠公事料錢衣賜並同本官數

少卿監司業郎中三十五千左右庶子起居郎舍人

侍御史

知雜事同如正郎知雜即支本官奉料

左右司諫殿中侍御史

員外郎赤令三十千丞十五千

如京朝官願請本官衣奉者仍支米麥

少詹事二十九千

春冬縮各十三匹惟赤縣令衣賜隨本官

左右正言監

察御史太常博士通事舍人國子五經博士太常宗

正秘書殿中丞著作郎大理正二十千太子率更令

中允贊善中舍洗馬殿中省五尚奉御十八千

太常博士

以上春冬縮各十四匹諭德以下春加羅一匹冬縮三十兩餘各縮七匹太常博士著作洗馬舊各有增減

司天十五千正十三千

春冬縮各五匹冬綿十五兩

秘書郎著作

佐郎

春冬縮各六匹冬綿各二十兩五官正以下春羅各一匹秘書舊無奉兼三館職事者給八十

千至道二年令大理寺丞十四千諸寺監丞十二千

同著作郎給之大理評事十千春冬各縮三匹自大理寺丞

各五匹大理評事十千以下冬綿各加十五兩諸寺

監丞大理評事舊有增損不同太祝奉禮八千司天監丞五千春冬

五匹主簿五千春冬綿各三匹丞靈臺郎三千保章正

二千春冬綿各三匹惟靈節度使四百千管軍同如

度使兼侍中帶諸王皇族節度使同中書門下平章

事并散節度使及帶王爵奉同節度使惟春冬加縮

各百匹大綾各二十匹小綾各節度觀察留後官制

三十匹羅各十匹綿各五百兩管軍同兩省都知押班諸司使遙領者

承宣三百千管軍同兩省都知押班諸司使遙領者

加縮二十匹冬三匹大小綾觀察使二百千管軍

各十匹春羅一匹冬綿百兩

省都知押班諸司使并橫行遙領者奉準此春冬加

縮各十匹綿五十兩如皇族充觀察者即三百千仍

宋史一百七十一



春冬加綰各十五匹綾十防禦使三百千管軍皇族同其皇族

及兩省都知押班諸司使并橫行諸衛大將軍將軍

遙領者百五十千皇族春冬加綰各十五匹綾十匹

春羅一匹綿五十兩兩省都知押班并橫行團練使

諸衛大將軍領者春冬綰各十匹綿五十兩

百五十千管軍及皇族并軍班除充者同其皇族及

軍遙領者百千皇族春冬加綰各十五匹綾十匹春

羅一匹綿五十兩兩省都知押班并橫行諸衛大將

軍將軍領者春冬綰各十匹綿五十兩

十千春冬綾各五匹綰十匹綿五十兩如皇子充諸

一匹冬綰二十左右金吾衛大將軍三十五千諸衛

大將軍二十五千

春冬綾各三匹綰七匹冬綿三十兩

將軍二十千

春冬

綾各二匹綰五匹綿二十兩

率府率副中郎將十三千

春冬綰各五匹冬綿

十五兩自諸衛上將軍以下春衣羅一匹內客省使六十千客省使三十

七千延福宮景福殿宣慶引進四方館宣政昭宣閣

門使二十七千皇城以下諸司使二十五千春綃各十匹冬

使十匹綿三十兩惟客省客省及皇城以下諸司副使

二十千內殿承制十七千崇班十四千春綃各五匹冬十匹綿三

侍禁七千帶閣門祗候者一十千殿直五千帶閣門祗候者九千並春冬綃各四

三班奉職借職四千春冬綃各三匹錢二千下茶酒班

殿侍一千春冬綃七匹冬綿十五兩下班殿侍七百春冬綃各五匹二項並蕃

官并土人補充者皇親任諸衛大將軍領刺史八千將軍刺

宋史一百七十一

史六十千

春冬綾七匹春縮十二匹冬十三匹綿五十兩舊志春冬綾十匹縮十五匹各加羅

一將軍三十千

春冬綾二匹縮五匹羅一匹冬綿四十兩

率府率二十千

副率十五千

春冬綾各二匹縮五匹羅一匹綿四十兩

舊志諸衛將軍有五十千四十千三十千三等

等一

春冬各綾五匹縮十四匹一等綾二匹縮五匹春並加羅一匹冬並綿二十兩

諸司使有

四十千三十千二等副使以上下與異姓同並給

實錢

自諸司使至殿直春冬各羅一匹綾二匹縮各五匹冬綿各四十兩

入內侍省都知副都知押班不帶遥郡諸司使充

者二十五千

春縮七匹冬十匹綿三十兩

副使充者二十千

春縮五匹

冬七匹綿二十兩

入內侍省供奉官十二千

春縮五匹冬七匹綿三十

兩殿頭七千高品高班五千春縮各五匹冬黃門三

千春冬縮各五匹祗候殿頭祗候高品祗候高班內品

祗候內品祗候小內品貼祗候內品入內內品後苑

內品後苑散內品七百春冬縮各五匹雲韶部內品七

百春冬縮各四匹入內內品管勾二千奉輦祗應二千

五百打牧祗應一千春冬縮各五匹內侍省內常侍

供奉官十千春冬縮各五匹內常侍春加羅一匹冬

殿頭五千高品高班三千春冬縮各四匹黃門二千

春冬縮各四匹殿頭內侍入內高品二千春冬縮各

千高班內品一千五百衣糧帶舊黃門內品在京人事一

五百十五个  
身身志卷百十四  
五  
羅善刑

千春冬各碧羅碧綾半匹黃寄班小底二千各十匹

入内小黃門前殿祗候内品北班内品外處揀來并

城北班後苑把門内品掃洒院子及西京内品依北

班内品依舊在西京收管七百西京内品五百春冬

五匹綿各十五兩惟入内小黃門郢唐復州内品三

百春冬各二匹布半匹錢一千樞密都承旨四十

千副都承旨副承旨樞密院諸房副承旨逐房副承

旨已上如帶中書堂後官提點五房公事三十千都承

旨以下春冬各十五匹春羅一匹逐房副承旨

各十三匹都承旨承旨春加綾三匹冬五匹綿五十

兩副都承旨以中書堂後官二十千特支五千已上

下綿各三十兩

京朝官同中書樞密主事二十春冬錄事令史十各十匹

春羅一匹主事已上冬綿主書七千守當官書令史

五千春冬綿各二匹主書書令史春錢三千冬綿十二兩錢一千守當官春錢一千自中書

樞密并曾任兩府雖不帶職而致仕同宣徽三司觀

文資政翰林端明翰林侍讀侍講龍圖天章學士樞

密龍圖天章直學士知制誥中書舍人待制御史臺

開封府節度使至刺史三館秘閣審刑院刑部大理

寺諸王府記室翊善以下至諸王宮教授知審官院

勾當三班院糾察刑獄判吏部銓南曹登聞檢院鼓

院司農寺及國子監直講丞簿河北河東陝西轉運

使皇子親王諸衛大將軍至率府副率兩省都知押

班不帶遙郡諸司使副兩府供奉官以下至內品內惟

品特給一分見錢

及樞密都承旨以下並給見錢餘官并防

禦使以下諸衛將軍橫行諸司使遙領者悉一分見

錢二分他物

其兩省都知副都知造領刺史以上者即給一半見錢

三司檢法

官十千

春冬縮各五匹冬綿十五兩願請前任請受者聽若轉京朝官隨本官料錢衣賜權

知開封府并判官推官

料錢衣賜並隨本官舊志云判官三十千推官二十千並

給見錢

司錄二十千

如差員外郎已上充隨本官料錢衣賜

功曹法曹十

二千倉戶士兵四曹十千

差京朝官充隨本官料錢衣賜

刑部檢法

官法直官大理寺法直官副法直官十千

春冬縮各五匹冬綿

十五兩如轉京朝官  
隨本官料錢衣賜  
西京軍巡判官十五千內開封府轉至

京官支本  
官衣奉  
西京南京北京留守判官河南應天大名

府判官三十千春冬縮各十二匹冬綿二十兩節度觀察判官二十

五千春冬縮各六匹冬綿十二兩半節度副使三十千行軍司馬二

十五千如簽書本州公事衣奉依節察判官若監當即給一半折支衣賜厨料不給節度

掌書記觀察支使二十千綿縮如推官留守推官府推官

節度觀察推官十五千春冬縮各五匹冬綿十兩防禦團練副使

二十千如監當即給一半折支防禦團練判官十五千兩朝志云奉給

依本州錄事參軍  
如無依倚郭縣令  
防禦團練軍事推官軍監判官七

千軍事判官如本州錄事參軍之數京府司錄參軍



二十千諸曹參軍十千

以京官知者奉從多給景德三年詔司錄六曹悉給春冬

衣 五萬戶已上州

三京同

錄事參軍二十千司理司法

十二千司戶十千三萬戶已上州錄事十八千司理

司法十二千司戶九千一萬戶已上州錄事十五千

司理司法十千司戶八千五千戶已上州錄事十二

千司理司法十千司戶七千不滿五千戶州錄事司

理司法十千司戶七千別駕掌史司馬司士參軍

如授

士曹依司士

文學參軍七千東京畿縣七千戶已上知縣

朝官二十二千京官二十千五千戶已上知縣朝官

二十千京官十八千三千戶已上知縣朝官十八千

京官十五千三千戶已下知縣止命京官十二千已

衣賜並主簿尉十二千至七千有四等並給河南府

河南洛陽縣令三十千諸路州軍萬戶已上縣令二

十千簿尉十二千七千戶已上令十八千簿尉十千

五千戶已上令十五千簿尉八千三千戶已上令十

二千簿尉七千不滿三千戶令十千簿尉六千京朝

官及三班知縣者亦許給縣令奉本官奉多者以從

多給兼監兵者止撤瀆廟令十千丞主簿七千全幕

職州縣料錢諸路支一半見錢一半折支縣尉全廣

東川陝並給見錢

# 元豐制行宰相三百千

衣賜綾綃綿皆如舊制然以左右僕射為宰相和中以

三公為真相靖康依舊制樞密使帶使相待中樞密使節度使同中書門下平章事以上及帶宣徽使并

前兩府除節度使移鎮樞密使副知院帶節度使四

百千自治平末至元豐四年如文彥博呂公弼馮京

吳充先後為使副是年十一月始詔樞密院置知院

同知院餘並罷至是既罷使副只置知院同知院直

至靖康不改 **知樞密院門下中書侍郎尚書左右丞同知**

**樞密院事二百千** 衣賜如舊元祐中復置 **太師太**

**傅太保少師少傅少保四百千** 春服羅三匹小綾三

小綾三十匹綃四十匹綿二百兩舊制奉錢百二十

千春服小綾十匹綃三十匹羅一匹冬服小綾十匹

綃三十匹綿五十 **開府儀同三司百二十千** 春冬各

兩大觀間增改 **特進九十千** 春冬各

兩大觀二年以無特任者遂刪去

綾十四匹 緜二十五匹 春  
羅一匹 冬綿五十兩  
金紫光祿大夫 銀青光祿大

夫 光祿大夫 六十千  
春冬各小綾七匹 緜二十匹 春羅一匹 綿五十兩  
宣奉

正奉 正議通奉大夫 五十五千  
春冬各小綾五匹 緜十七匹 春羅一匹 冬

綿五兩 通議太中大夫 五十千  
元豐令太中大夫以上丁憂解官給舊官料錢

中大夫 中奉中散大夫 四十五千  
春冬各小綾三匹 緜十五匹 春羅一

匹 冬綿五十兩 朝議奉直 朝請朝散 朝奉大夫 三十五千  
春冬各小綾三匹 緜十五匹 春羅一

一匹 冬綿三十兩 朝請朝散 朝奉郎 三十千  
春冬各小綾三匹 緜三十兩 奉議通

承議奉議通直郎 二十千  
承議春冬緜各十匹 春羅一匹 冬綿三十兩 奉議通

直 春冬各緜七匹 宣教郎 十七千  
春冬緜各六匹 春羅一匹 冬綿二十兩 元豐格有出

身十七千 無出身十四千 六年 救不  
以資考有無出身並十五千 衣無羅  
宣義郎 十二千

春冬各縮五匹  
冬綿十五兩  
**承事郎十千**  
春冬各縮各三匹  
冬綿十五兩  
**承奉郎**

**八千承務郎七千**  
元豐以來釐務止支  
驛料大觀二年定支  
**承直郎二十**

**五千**  
春冬縮各六匹綿十二兩半  
元豐留守判官府  
判官奉錢三十千  
春冬縮各十二匹綿二十兩

節度觀察判官奉錢二十五千  
春冬縮各六匹綿十二兩半  
凡二等崇寧二年改從一等  
**儒林郎**

**二十千**  
春冬縮各五匹綿十兩  
元豐節度掌書記  
觀察支使奉錢衣賜如上  
防團軍事判官考任

合八令錄者奉錢十五千  
凡二等崇寧改從一等  
**文林郎十五千**  
春冬服從  
同儒林

**事從政脩職郎十五千**  
從事郎元豐舊制考第合入  
令錄者視令錄支未合入令

錄者視判司簿尉支從政郎元豐三京州府軍監司  
錄錄事參軍五萬戶以上二十千  
三萬戶以上十八

千一萬戶以上十五千  
五千戶以上十二千  
不滿五千戶十千  
縣令一萬戶以上二千  
七千戶以上十

千不滿二千戶以上十五千  
三千戶以上十二千  
不滿二千戶十千  
凡二等崇寧改從一等  
**迪功郎**

千不滿二千戶以上十五千  
三千戶以上十二千  
不滿二千戶十千  
凡二等崇寧改從一等  
**迪功郎**

十二千元豐四京軍巡判官十五千三京州府軍監

及不滿五千戶七千三京州府軍監司戶參軍及五

萬戶以上十千三萬戶以上九千一萬戶以上八千

不滿五千戶七千凡三等崇寧改初熙寧四年中書

門下言天下選人奉簿而多少不均不足以勸廉吏

今欲月增料錢縣令錄事參軍三百六十七員舊請

十千十二千者增至十五千司理司法司戶參軍主

簿縣尉二千一百五十三員舊請七千八百七十者

增至十千防團軍事推官軍監判官一百七十二

員舊請七千者增至十二千月通增奉太尉一百千  
錢一萬二千餘貫米麥亦有增數從之  
春冬各小綾十匹春羅一匹縮十匹冬  
縮二十匹綿五十兩帶節度使依本  
格節度使四百  
千曾任執政以上除及移鎮承宣使三百千即節度  
初除及管軍並同舊制  
後 觀察使防禦使二百千團練使百五十千刺史一  
百千自節度使以下至諸通侍大夫三十七千正侍

宣正協忠中侍中亮中衛翊衛親衛拱衛左武右武

大夫二十七千武功武德武顯武節武畧武經武義

武翼大夫二十五千春冬綰各十匹綿二十正侍宣

正履正協忠中侍中亮中衛翊衛親衛拱衛左武右武武

功武德武顯武節武畧武經武義武翼郎二十千敦

武郎十七千脩武郎十四千春綰五匹冬七匹綿二

從義秉義郎十千帶閣門祇候十二千成忠保義郎五千帶閣門祇

候者九千並春冬綰各四匹冬綿十五兩承節承信郎四千春冬綰各三

進武校尉三千進義校尉二千春冬綰各三匹進武副尉三

千守闕進武副尉進義副尉守闕進義副尉一千凡

文武官料錢並支一分見錢二分析支曾任兩府雖不帶職料錢

亦支見錢

職錢

御史大夫六曹尚書行六十千守五十五千翰林學

士承旨翰林學士五十千衣賜本官例官小春冬服綾各三匹絹各十五匹

綿五左右散騎常侍御史中丞開封尹行一百千守九

崇寧四年重定六曹侍郎元祐中置權六曹尚書奉給依守侍郎紹聖中罷

行五十五千守五十五千太子賓客詹事行五十千

守四十七千給事中中書舍人行五十千守四十五千

千左右諫議大夫元祐中置權六曹侍郎奉給依諫議大夫紹聖中罷行四十



計字四百七十九  
身身身身身  
五  
林州

五千守四十七千試太常宗正卿行三十八千守五千試

三十二千秘書監行四十二千守三十八千試七寺卿國子

祭酒太常宗正少卿秘書少監行三十五千守三千試

三十千太子左右庶子行四十千守三十七千試七寺少

卿行三十二千守三十八千試中書門下省檢正諸房

公事尚書左右司郎中行四十千守三十七千試國子

司業少府將作軍器監行三十二千守三十八千試太

子少詹事行三十五千守三十二千試太子左右諭德

行三十二千守三十九千試起居郎起居舍人侍御史

左右司員外郎樞密院檢詳諸房文字尚書六曹郎

中行三十七千

守三十五千  
試三十二千

殿中侍御史左右司諫

行三十五千

守三十二千  
試三十千

左右正言行三十二千

守三

十千試二  
十七千

諸司員外郎行三十五千

守三十二千  
試三十千少

府將作軍器少監行三十千

守二十八千  
試二十五千

太子侍讀

侍講行二十五千

守二十二千  
試二十千

監察御史行三十二

千守三十千  
試二十七千

太子中舍太子舍人行二十二千守二

十千試太常宗正知大宗正秘書丞大理正著作郎

太醫令行二十五千

守二十二千  
試二十千

七寺丞行二十二

千守二十千  
試十八千秘書郎行二十二千

守二十千  
試十八千太常博

士著作佐郎行守二十千

試十千

國子監丞行二十二

千守二大理司直評事行二十二千守二十試十八千守十少府

將作軍器都水監丞行二十千守八秘書省校書郎

行十八千守十六試十四千秘書省正字行十六千守十五試十

御史檢法官主簿行二十千守八宗學太學武學

博士行二十千守十八試十六千律學博士行十八千守七試十

太常寺奉禮郎行十六千太常寺太祝郊社令

行十八千守十六試十四千太學正錄武學諭行十八千守十七試十

六律學正行十六千守十五試十四千凡職事官職錢不言

行守試者準行給衣隨寄祿官例支及無立定例者

並隨寄祿官給料錢米麥計實數給應兩給者謂職錢米

麥從多給承直郎以下充職事官

謂大理司直評事秘書省正字太學

博士正錄武學博士論律學博士正聽支階官請給衣及厨料米麥不支

唐貞元四年定百官月俸僖昭亂離國用窘闕至天

祐中止給其半梁開平三年始令全給後唐同光初

租庸使以軍儲不充百官奉錢雖多而折支非實請

減半數而支實錢是後所支半奉復從虛折周顯德

三年復給實錢宋初之制大凡約後唐所定之數乾

德四年七月詔曰州縣官奉皆給他物頗聞貨鬻不

充其直責以廉隅斯亦難矣至有賦於廛肆重增煩

擾且復抵冒公憲自罹刑辟甚無謂也漢乾祐中置

州縣官奉戶除二稅外蠲其他役周顯德始革其制  
自今宜逐處置回易料錢戶每本官所受物凡一千  
分納兩戶恣其質易戶輸錢五百蠲役之令悉如漢  
詔所賦官物令諸州計度充一歲所給之數與蠶鹽  
同時併給之其萬戶縣令五萬戶州錄事兩京司錄  
舊月奉錢二萬者給四十戶率是爲差簿尉及戶法  
掾舊月奉六千者增一千如其所增之數給與奉戶  
是歲令西川官全給實錢開寶三年令西川州縣官  
常奉外別給鐵錢五千四年十二月詔節察防團副  
使權知州事節度掌書記自朝廷除授及判別廳公

事者亦給之副使非知州掌書記奏授而不釐務者  
悉如故給以折色太平興國元年詔曰耕織之家農  
粟爲本奉戶月輸緡錢蠶茲細民不易營置罷天下  
奉戶其本官奉錢並給以官物令貨鬻及七分仍依  
顯德五年十二月詔增給米麥二年二月詔諸道所  
給幕職州縣官奉頗聞官估價高不能充七分之數  
宜令三分給一分見錢二分折色令通判面估定官  
物不得虧損其價四月令西川諸州幕職官奉外更  
增給錢五千雍熙三年文武官折支奉錢舊以二分  
者自今並給以實價端拱元年六月詔曰州郡從事

之職皆參贊郡畫助宣條教而州縣之任並飭躬蒞  
 政以綏吾民廩祿之制宜從優異庶幾豐泰責之廉  
 隅除川陝嶺南已給見錢外其諸州府幕職州縣官  
 料錢舊三分之二給以他物自今半給緡錢半給他  
 物淳化元年五月詔致仕官有曾歷外職任者給半  
 奉以他物充三年十一月令京東西河北河東陝西  
 幕職州縣官料錢當給以他物者每千給錢七百初川  
陝廣南福建幕職州縣並許預借奉錢大中祥符間  
又詔江浙荆湖遠地麟府等州河北河東緣邊州軍  
自今許預借兩月至道二年詔先是京官滿三十月  
近地一月奉錢  
 罷給自今續給之真宗即位以三司估百官奉給折

支直率增數倍詔有司重定率優其數咸平元年六

月詔文武群臣有分奉他所而身沒未聞訃已給者

例追索可憫自今川陝廣南福建一季餘處兩月悉

蠲之大中祥符七年詔三班使臣自今父母亡勿住奉三年九月詔群臣月

奉折支物無收其筭五年七月增川陝路朝官使臣

等月給添支景德四年九月上以承平既久賦斂至

薄軍國用度之外未嘗廣費自奉且以庶官食貧勸

事遂詔自今掌事文武官月奉給折支京師每一千

給實錢六百在外四百願給他物者聽大中祥符五

年詔文武官並增奉三師三公東官三師僕射各增二十千三司御史大夫六尚書



字四百五十个

宋史志卷之四

李正

列

中丞郎兩省侍郎太常宗正卿內客省使上將軍各  
增十千橫班諸司各增五千朝官五品正中郎將已  
上諸司使副各增三千京官內殿承制崇班閣門祗  
候各增二千供奉官各增一千五百奉職借職增一

千餘如舊自乾興以後更革為多至嘉祐始著祿令元豐

一新官制職事官職錢以寄祿官高下分行守試三

等大率官以祿令為準而在京官司供給之數皆併

為職錢如大夫為郎官既請大夫奉又給郎官職錢

視嘉祐為優矣至崇寧間蔡京秉政吳居厚張康國

輩於奉錢職錢外復增供給食料等錢如京僕射奉

外又請司空奉其餘僉從錢米並支本色餘執政皆

然視元豐制祿復倍增矣

武臣奉給

殿前司自宣武都指揮使三十千差降至歸明神武  
開封府馬步軍都指揮使十五千凡二等殿前左右  
班虞候三十千至天武剩員都虞候十九千四等殿  
前班指揮使二十千至揀中剩員僚直廣德指揮使  
十千凡三等殿前班都知十三千至招箭班都知四千  
凡七等殿前班副都知十千至招箭班副都知三千  
凡五等殿前押班七千至招箭押班二千凡五等散  
指揮都頭復有押班之名者如押班給馬兵士內員  
僚直復有副指揮使行首副行首招箭班亦有行七

千至三千凡三等御龍直副指揮使都頭副都頭十  
將虞候十千至三千凡五等殿前指揮使五千至殿  
侍一千凡五等捧日天武指揮使十千至揀中廣德  
指揮使四千凡四等捧日天武副指揮使七千至擒  
戎副指揮使三千凡五等捧日軍使天武都頭五千  
至擒戎軍使千五百凡五等捧日副兵馬使三千至  
擒戎副兵馬使一千凡四等天武副都頭二千至廣  
德副都頭千五百凡二等捧日軍將二千至龍猛驍  
騎帶甲剌員軍頭十將三百凡八等天武將虞候而  
下五百至飛猛驍雄將虞候已下三百凡六等此奉

錢之差也其外月給粟自殿前班都頭虞候十五石至廣建副都頭吐渾十將二石五斗凡六等殿前指揮使五石鞭箭清朔二石凡五等殿前班都虞候已下至軍士歲給春冬服三十匹至油絹六匹而加綿布錢有差復月給僦糧自十人以至一人諸班諸直至捧日天武拱聖龍猛驍騎吐渾歸明渤海契丹歸明神武契丹直寧朔飛猛宣武虎翼神騎驍雄威虎衛聖清朔擒戎軍士皆給僦一人以至半分餘軍不給焉侍衛馬軍步軍司自員僚直龍神衛都虞候月給二十千至有馬勁勇員七千凡五等指揮使自員僚直

龍神衛十千至順化三千凡五等副指揮使自員僚  
直龍神衛七千至順化二千凡七等軍使都頭自龍  
神衛五千至省船神衛一千凡七等副兵馬使副都  
頭自龍神衛三千至順化一千凡五等軍頭十將自  
龍神衛千三百至順化三百凡五等此外員僚直有  
行首副行首押番軍頭都知副都知之名自行首五  
千至副都知一千凡六等而高陽關有驍捷左右廂  
都指揮使月給三十千開封府有馬步軍都虞候月  
給二十千六軍復有都虞候月給五千 員僚直龍  
神衛而下皆月給粟自都虞候五石至順化忠勇

軍士二石凡五等自都虞候以下至軍士皆歲給春冬服自縮三十匹至油縮五匹又加綿布錢有差復有給儉糧自十人至一人其員僚直龍神衛雲騎驍

捷橫塞及神衛上將虎翼清衛振武忠猛軍士皆給

儉一人至半分他軍不給焉宣徽院軍頭司自員僚至軍士咸月給錢粟及

春冬服有差諸道州府廂軍自馬步軍都指揮使至牢城

副都頭凡五等月給奉錢凡十五千至五百凡十有

二等自河南府等五十州府鄧州等三十四州萊州

等一百四十四州軍廣濟軍等三十九軍監所給之

數差而減焉咸著有司之籍外有給司馬芻秣歲給

春冬服加紬綿錢布亦各有差

祿粟

自宰相至八內  
高品十八等

宰相參知政事樞密使同中書門下平章事樞密使  
副使知院事同知院事及宣徽使簽書樞密院事節  
度觀察留後知樞密院事及充樞密副使同知樞密  
院事并帶宣徽使簽書檢校太保簽書及三司使中  
書門下侍郎尚書左右丞太尉月各一百石樞密使  
帶使相節度使同中書門下平章事已上及帶宣徽  
使并前兩府除節度使樞密使副知院事帶節度使  
月各給二百石三公三少一百五十石權三司使公

事七十石權發遣使三十五石內客省使二十五石

節度使一百五十石管軍同如皇族節度使同中書門下平章事已上并散節度使

及帶王爵者留後後改承宣使觀察防禦使一百石

並一百石管軍并兩省都知押班諸衛大將軍橫行團練使七

十石管軍并皇族及軍班除充者同其餘正任並五

十石若皇族并兩省都知押班諸衛大將軍將

領者同刺史五十石皇族並軍班除充者同其餘

知押班通侍大夫遙領者二十五石諸衛大將軍將

軍遙領者十石橫行遙領者全分二十五石減定十

石捧日天武左右廂都指揮使龍衛神衛右廂都指

揮使帶遙郡團練使五十石殿前諸班直都虞候龍

衛神衛及諸軍都指揮使凡一石給六斗米麥各半

管軍支六分赤令七石丞四石京府司錄五石諸曹

米四分麥宋史一百七十一

勞 辛 寫



參軍四石至三石有二等畿縣知縣六石至三石有

四等主簿尉米麥三石至二石有二等諸州錄事五

石至三石有三等司理司法四石至三石有二等司

戶三石二石有二等諸縣令五石至三石有三等惟

南洛縣令隨戶口支簿尉三石二石有二等四京軍巡判官四

石軍監判官防團推官二石司天監丞四石主簿靈

臺郎保章正二石已上並給米麥入內內侍省供奉官四石

殿前高品三石高班黃門入內內品管勾奉輦祇應

入輦祇應二石打牧祇應一石五斗已上並給糶米祇候殿

頭祇候高品祇候高班內品祇候內品祇候小內品

貼祗候內品入內內品後苑內品後苑散內品三石

雲韶部內品一石

已上並給月糧惟雲韶內品給細色

內侍省供奉官

三石殿頭高品高班二石黃門一石五斗

已上並給粳米黃

門內品在京人事二石五斗北班內品前殿祗候內

品外處揀來并城北班後苑把門內品掃洒院子及

西京內品與北班內品依舊在西京收管西京內品

郢唐復州內品二石入內小黃門一石寄班小底四

石

已上並給月糧惟入內小黃門給細色

殿頭內侍入內高班一石

麥米

各熙寧二年中書門下言天下選人奉薄多少不一

不足以勸廉吏欲月增米麥料錢縣令錄事參軍三

百七十六員舊請米麥三石者並增至四石司理司  
法司戶主簿縣尉二千五百一十三員舊請米麥兩  
石者並增至三石防團軍事推官軍監判官一百七十  
二員舊請米麥二石者並增至三石每月通增米麥  
三千七十餘石從之

元隨儉人衣糧任宰相執政者有隨身餘止儉人任刺史已上者有隨身餘止儉人

宰相并文臣充樞密使同中書門下平章事及樞密

使七十人宰相舊五十人衣糧二十人日食後加樞密使帶使相待中

樞密使節度使同中書門下平章事已上及帶宣徽

使并前兩府除節度使及節度使移鎮樞密使副知

院事帶節度使一百人參知政事文臣充樞密副使  
知院事同知院事及宣徽使不帶節度使簽書樞密  
院事節度觀察留後知樞密院事并充樞密副使同  
知樞密院事并帶宣徽使簽書樞密院事三司使門  
下侍郎中書侍郎尚書左右丞五十人檢校太保簽  
書樞密院事三十五人權三司使三十人權發遣公  
事十五人副使判官判子司五人

副使判官權  
并權發遣同

觀文

殿大學士二十人觀文殿學士資政殿大學士十人

資政端明翰林侍讀侍講龍圖天章學士樞密直學  
士保和宣和延康殿學士寶文顯謨徽猷閣學士七

五百个  
人舊止給日食政  
玉清昭應宮景靈宮會靈觀三副

使十人判官五人節度使留後改承宣使觀察使五

十人管軍同如皇族節度使同中書門下平章事已

王並五十人散節度使帶王爵及節度觀察留後帶郡

使領節度觀察留後五十人兩省都知押班并橫行

領觀察使防禦使三十人管軍同皇族并遙領並二

十五人管軍同皇族并遙領並二

司使并諸衛大將軍及團練使三十人管軍及軍班

橫行遙領並十五人除充者同其

餘除授者二十人皇族充及帶領十五人兩

省都知押班帶諸司使并橫行遙領者十人刺史二

十人軍班除充者同其餘除授并管軍十人皇族充十

全分者五人內客省使舊有景

減定者不給福殿使二十人樞密都承旨

十人副都承旨副承旨諸房副承旨中書堂後官提

點五房公事七人逐房副承旨五人中書堂後官至樞

密院主事已上各二人錄事令史寄班小底各一人

廉人餐錢中書樞密宣徽三司及正刺史已上皆有衣糧餘止給餐錢

自判三館秘書監兩制兩省帶修撰五千郎中以下帶修撰者

三直館閣校理史館檢討校勘各三千直龍圖閣審

刑院詳議官國子監書庫官五千自修撰已上又有職錢五千校勘已

上三京畿諸司庫務倉場監官朝官自二十千至五

千凡七等京官自十五千至三千凡八等諸司使副

閣門通事舍人承制崇班二十千至五千凡九等閣

門祗候及三班十五千至三千凡十等內侍十七千

三百五十个  
至三千凡九等寄班八千至五千凡三等

舊志記舛今並從兩

朝志

茶酒厨料之給

學士權三司使以上兼秘書監日給酒自五升至一

升有四等法糯酒自一升至二升有二等又宮觀副

使文明殿學士即觀文資政殿大學士龍圖樞密直學

士並有給茶節度使副以下各給厨料六斗麩一石

二斗

薪蒿炭鹽諸物之給

宰相舊無後加

宰相樞密使月給薪千二百束參知政事樞密副使

宣徽使簽書樞密院事三司使三部使權三司使四  
百束三部副使樞密都承旨一百五十束樞密副都  
承旨中書提點五房一百束開封判官節度判官薪  
二十束蒿四十束開封推官掌書記支使留守節度  
推官防團軍事判官薪十五束蒿三十束留守判官  
薪二十束蒿三十束防團軍事推官薪十束蒿二十  
束

宰相樞密使歲給炭自十月至正月二百秤餘月一  
百秤參知政事樞密副使宣徽使簽書樞密院事三  
司使三部使三十秤文明殿學士資政殿大學士龍



三百七十一  
圖閣學士十五秤都承旨二十秤

給鹽宰相樞密使七石參知政事樞密副使簽書院

事宣徽使三司使三部使權三司使二石節度使七

石掌兵遙領五石留後觀察防禦團練刺史五石

遙領皆  
不給

給馬芻粟者自二十四匹至一匹凡七等  
其軍職內侍三班伎術中

書樞密宣徽院侍衛殿前司皇城司內侍省入內內侍省吏屬借官馬者其本廐馬芻粟隨給馬

給紙者中書樞密宣徽三司宮觀副使判官諫官皆

月給馬  
自給茶酒而下兩朝志無三朝志雖不詳備亦足以見一代之制云

志卷第一百二十四

志卷第二百二十五

宋史二百七十二

開府儀同三司 柱國 錄軍國事 前書 丞相 監修國史 領 縫事 都總 裁 脫 等 奉

勅修

職官十二 奉祿制下

增給 給券

公用錢 職田

權三司使知開封府百千權發遣三司使五十千玉

清昭應宮景靈宮會靈觀三副使觀文殿大學士三

十千觀文殿學士資政殿大學士元豐添保和宮觀

三司判官判子司權及權發遣同開封府判官提舉諸司庫

務管轄三司軍大將提點內弓箭庫二十千宮觀都

監勾當官十七千

任都知押班者二十千

資政端明翰林侍讀

元豐添保和延

元祐復置翰林侍讀

龍圖天章學士

元豐文顯謨徽

侍講學士紹聖中罷

龍圖天章學士

元豐添寶文

顯謨徽猷直

顯謨徽猷直

士猷學

樞密直

後改述

龍圖天章學士

元豐添寶文

學士保和龍圖天章

十五千

春冬綾各五匹絹十七

寶文顯謨徽猷待制

隨本官衣賜如本官例大即依

本官例大即依

上大學士至待制奉隨

本官衣賜如本官例大即依

本官例大即依

編修祿格學士添支比正任料錢相去遼邈如觀文

編修祿格學士添支比正任料錢相去遼邈如觀文

編修祿格學士添支比正任料錢相去遼邈如觀文

節度使料錢乃四百千廉從粟帛等稱是或謂大學

節度使料錢乃四百千廉從粟帛等稱是或謂大學

節度使料錢乃四百千廉從粟帛等稱是或謂大學

任有寄祿官料錢故添支數少今以銀青光祿大夫

任有寄祿官料錢故添支數少今以銀青光祿大夫

任有寄祿官料錢故添支數少今以銀青光祿大夫

其厚薄不均明矣自餘學士視諸正任率皆不等欲

其厚薄不均明矣自餘學士視諸正任率皆不等欲

其厚薄不均明矣自餘學士視諸正任率皆不等欲

將職錢改作貼職錢以別之正任料錢公使為率參

將職錢改作貼職錢以別之正任料錢公使為率參

將職錢改作貼職錢以別之正任料錢公使為率參

酌立定自學士至直閣以上貼職錢不以外並給

酌立定自學士至直閣以上貼職錢不以外並給

酌立定自學士至直閣以上貼職錢不以外並給

觀文殿大學士百千觀文學士五十千前執政加二十千龍

觀文殿大學士百千觀文學士五十千前執政加二十千龍

觀文殿大學士百千觀文學士五十千前執政加二十千龍

端明後改延康殿學士五十千前執政加二十千龍

端明後改延康殿學士五十千前執政加二十千龍

端明後改延康殿學士五十千前執政加二十千龍

圖天章寶文顯謨徽猷學士樞密直改述古學士四  
 十千龍圖天章寶文顯謨徽猷學士直學士二十千待制  
 二十千集賢改集英殿修撰十五千直龍圖閣至直  
 秘閣十千詔從之宣和三年戶部尚書沈積中侍郎  
 王蕃言元豐法帶職人依嘉祐祿令該載觀文殿大  
 學士以下至直學士添支錢三等自二十千至十五  
 千大觀中因敕令所啓請改作貼職錢觀文大學士  
 至直秘閣自百千至十千凡九等兼增添在京供職  
 米麥觀文殿大學士至待制自五十石至二十五石  
 四等比舊法增多數倍又奏學士提舉在京官除本  
 身請給外更請貼職并差遣添支比六曹尚書翰林  
 學士承旨幾及一倍以上非稱事制祿之意詔並依  
 元豐法御史中丞二十千察案御史十千籍田令七  
 千並依元豐三年詔司農寺丞十五千主簿京朝官  
 十二千選人十千熙寧三年詔廣親睦親宅記室講  
 書十五千教授十二千軍巡使十七千權使及判官  
 七千已上並元豐制已群牧使副使開封推官三司河  
 已下惟增散官而已

渠勾當公事同管勾河渠案公事十五千群牧都監

十三千銀臺司審官院三班院吏部銓登聞檢院鼓

院太常禮院主判官糾察在京刑獄群牧判官監祭

使十千判司農寺七十其知判諸路州軍府有六十

千至七千凡八等有以官者三師三公六十千僕射

東宮三師并曾任中書樞密特進五十千尚書并左

右丞東宮三少金紫光祿大夫至光祿大夫學士給

事中諫議舍人待制已上并橫班使副三十千橫班

十千者待制已上充益梓利夔州路知州給鐵鐵二

百千橫班副使知夔州一百五十千知諸州軍者八

十大卿監諸司使副至供奉官中大夫至中散大夫

武功郎至秉義郎閣門祗候已上十五千十五千已

上有從州

府地望給者不係大卿充益梓利夔知州給鐵錢一  
百五十千諸司副使至供奉官閤門祇候已上知四

州同若知諸州軍八十千惟諸司使一百千朝官忠翊郎侍禁閤門祇候

十千朝官權知軍州府者同若知四路諸州府給鐵  
錢八十千知軍六十千侍禁閤門祇候知諸軍

同保義郎殿直閤門祇候八千若知四路諸州軍  
者給鐵錢五十千京

官十千至七千有二等知四路州府給鐵錢  
六十千知軍五十千試銜及

州縣官職官兼知春州七千有以州望者河南大名

荆南永興江寧杭揚潭并代州三十千應天真定鳳

翔陝府秦青洪州二十千河中鄆許襄孟滑鄭滄邢

澶貝相華晉潞廬壽宿泗楚蘇越潤常州十五千州廣

知州歲七百千逐月均給舊月給百千大中祥符六  
年令歲取五百千餘充添給益州給鐵錢三百千梓

宋史一百七十二  
大史志卷百十五  
三  
勞  
羊  
寫

州二百千夔州百五十千有都總管經畧安撫等使

者河北四路真定瀛州大名陝西逐路永興秦州涇州河東

路太原前任兩府並五十千諫議舍人待制太中大夫

已上三十千並特添二十千知大名府帶河北路安撫使同知并州帶學士即五十千而無

特三路管勾機宜文字朝官十千京官七千知桂州

充廣南西路都鈐轄經畧安撫使自諫議舍人待制

及大卿監太中大夫中散大夫已上三十千朝臣充廣西路

兵馬都鈐轄兼本路安撫管勾經畧司公事即二十千河北沿邊安撫副使都

監以橫行使充者三十千自橫行副使并諸司使副至崇班武功大夫敷武郎

以上充者二十千供奉官秉義郎閤門祗候充都監十五千同管勾河東緣邊安

撫司公事以橫行副使至內殿崇班敦武郎以上二

十千通判大藩有二十千至十五千者餘州軍朝官

有十千至七千者京官七千朝官通判益州給鐵錢八十千京官六十千朝

官通判益梓利夔路州軍府給鐵錢七十千京官五十千簽判朝官十千京官七

千朝官簽判益梓州給鐵錢七十千京官五十千三路轉運使淮南江浙荆

湖制置茶鹽等稅都大發運使諫議待制大卿監以

下太中中散以上三十千朝官充發運使副二十千

武功大夫至武翼郎諸司使副充發運使副都監同朝官充判官十千三門白波發運

使朝官二十千朝官充判官十千京官七千諸路轉

運使副朝官宣德郎以下二十千任四路者給鐵錢一百五十千判



官十千任福建廣南東西路十五千任諸路提點刑

獄勸農使副開封府界提點諸縣鎮公事二十千忠翊

郎侍禁閤門祗候以下任諸路提點刑獄勸農使副

并府界同提點敦武郎內殿崇班已上者十五千朝

官并兼義郎供奉官閤門祗候已上任四路提點刑

獄給鐵錢一百五十千忠翊郎侍禁閤門祗候以下

十 諸路副都總管權總管都鈐轄路分鈐轄州鈐

轄路分都監有五十千至八十千凡六等任四路給鐵

至一百千凡三等 府界及諸路州府軍監縣鎮都監巡檢砦

主監押自諸司使以下至三班借職武功大夫至承

信郎已上十五千至五千凡六等任四路給鐵錢有

凡四等 陝西河東沿邊諸族蕃官巡檢自十五千至四

千凡六等諸路走馬承受公事自從義郎至保義郎

供奉官至殿直并兩省自供奉官至黃門自十千至

五千凡四等任四路給鉄錢自六十千至四十千凡三等府界并諸路州

府軍監縣鎮監當朝官七千京官五千至四千凡二

等武功大夫以下進義校尉諸司使至下以三班使

臣自十千至三千凡七等朝官任川峽州府軍監給鉄錢五十千京官三十千

至二十五千凡二等三班使臣任四路者自六十千至二十五千凡五等朝官充陝西及

江浙荆湖福建廣南提舉提點鑄錢等公事自二十

千至十五千凡二等朝官充都大提舉河渠司勾當

及提舉宮觀并催遣輦運催綱諸州監物務等自十

五千至七千凡三等

任四路給鉄錢七十千

京官充催促輦運

催裝斛斗綱船并諸州監物務等自七千至五千凡

二等

任四路給鉄錢五十千

都大提舉修護黃河堤埽岸諸處

巡檢

并監

北京大內軍器庫并蔡河撥發催綱等並以

兩省供奉官以下至內品充自十千至三千凡七等

舊志有諸路都部署鈐轄有五十千至十五千凡四等駐泊都監兵馬都監有二十千至十五千凡六等

諸州監場務朝官供奉以上七千京官殿直五千奉職內品三千內課頭大者京朝官與京官同使臣與

兵馬監押同

大中祥符二年詔外任官不得挈家屬赴任者許分

添給錢贍本家

添給羊凡外任給羊有二十口至二口凡六等

給米有二十石至二石凡七等

給麪有三十石至二石凡七等

僉從有二十人至二人凡七等

馬有十匹至一匹凡六等

舊志數不同  
今從四朝志

建炎南渡以後奉祿之制參用嘉祐元豐政和之舊

少所增損惟兵興之始宰執請受權支三分之一或

支三分之二或支賜一半隆興及開禧自陳損半支

給皆權宜也其後內外官有添支料錢職事官有職

錢厨食錢職纂修者有折食錢在京釐務官有添支

錢添支米選人使臣職田不及者有茶湯錢其餘祿粟  
廉人悉還疇昔今合新舊制而參記之

元豐定制以官寄祿南渡重加修定開府儀同三司

料錢一百貫特進九十貫春冬衣縮各二十五匹小綾一十匹春羅一匹冬綿

五十兩金紫光祿大夫銀青光祿大夫料錢各六十貫春冬縮各二十

一匹小綾七匹春羅一匹冬綿五十兩宣奉大夫正奉大夫正議大夫通

奉大夫料錢各五十貫春冬縮各十七匹通議大夫料錢各四十

太中大夫中大夫中奉大夫中散大夫料錢各五貫春冬縮

各二十五匹小綾三匹朝議大夫奉直大夫朝請大

夫朝散大夫朝奉大夫以上料錢各三十五貫春冬

綿三朝請郎朝散郎朝奉郎以上料錢各三十貫春冬縮各一十三匹春羅

一匹綿承議郎料錢二十貫春冬縮各一十匹春羅一匹冬綿三十兩奉議郎

料錢二十貫春冬縮各十兩通直郎料錢十八貫春冬縮各七匹春羅一匹春羅一匹冬綿三十兩

匹冬綿宣教郎料錢十五貫春冬縮各五匹冬綿十五兩宣議郎料錢十

冬綿各五匹承事郎料錢十貫春冬縮各五匹冬綿十五兩承奉郎料

八貫承務郎料錢七貫元豐以來釐務止支驛料大觀二年定支以上料錢一分

見錢二分折支每貫折錢在京六百文在外四百文

到任添給驛料承直郎料錢二十五貫茶湯錢一十貫厨料米六斗麩一石五斗

橐四十束柴二十束馬一匹儒林郎料錢二十貫茶湯錢一十貫厨料米六斗麩一石五斗

料米六斗麩一石五斗藁三十束柴文林郎料錢一十五貫厨料米六斗麩一石五斗藁三十束柴

茶湯錢十貫厨料米六斗麩一石五斗稟三十束柴十五束春冬縮各五匹綿十兩從事郎從

政郎修職郎已上料錢各一十五貫茶迪功郎料錢

二貫茶湯錢一十貫米麥各一石五斗以上錢折支中給一半見錢一

半折支每貫折見錢七百文釐務日給滿替日住武

臣請奉太尉料錢一百貫春服羅一匹小綾及縮各

兩 正任節度使在光祿大夫之下初授及帶管軍承

宣使在通議大夫之下料錢觀察使在 中大夫之下

祿粟一百石防禦使祿粟一百石米麥各十二石五

斗 團練使在中散大夫之下料錢一百五諸州刺史

祿粟五十石在中散大夫之下料錢一百貫自承宣使以下不帶

階官者為正任帶階官者為遙郡遙郡各在正任之

下請奉與次任正任一同靖康指揮遙郡以上奉錢

衣賜僉人奉馬權支三分之一殿前三衙四廂捧日

天武左右廂都指揮使遙郡團練使料錢一百貫文  
春冬服縮各十

匹殿前諸班直都虞候諸軍都指揮使遙郡刺史料錢

五十貫龍衛神衛右廂都指揮使遙郡團練使同捧  
衣同前

武龍神衛諸軍都指揮使遙郡刺史同殿  
前左右金吾

衛上將軍左右衛上將軍在光祿大  
夫之下諸衛上將軍在

奉大夫之下以上料錢各六十貫春冬綾各  
五匹縮各一十四匹春羅一匹冬綿五十兩左右金

吾衛大將軍在中散大夫之下料錢三十五貫春冬  
綾三匹縮七匹春羅一匹綿三十兩



諸衛大將軍

在中散大夫之下料錢二十五貫春冬綾三匹緜各七匹春羅一匹冬緜二十

兩諸衛將軍

在朝奉郎之下料錢二十五貫春冬綾各二匹緜各七匹春羅一匹冬緜十五

兩率府率

在奉議郎之下率府副率三貫春冬緜各五匹春

羅一匹冬緜

通侍大夫在中散大夫之下料錢五十貫祿粟二十五石春緜七匹

冬緜十匹緜三十匹

正侍大夫宣正大夫覆正大夫

協忠大夫中侍大夫

以上在中散大夫之下料錢各三十七貫祿粟二十五石春緜

七匹冬緜十匹緜三十匹

中亮大夫在中散大夫之下

兩兼二十人馬三匹

中衛大夫翊衛大夫

粟二十五石春緜七匹冬緜十匹

親衛大夫

大夫

並在奉直大夫之下諸司正使之上以上料錢並二十七貫春緜七匹冬緜十匹緜三十兩

武功大夫武德大夫武顯大夫武節大夫武略大夫

武經大夫武義大夫武翼大夫並在朝奉大夫之下  
以上各料錢二十五

貫厨料米一石 麩二石 春縮  
七匹 冬縮十四 綿三十兩正侍郎宣正郎覆正郎

協忠郎中侍郎中亮郎中衛郎翊衛郎親衛郎拱衛

郎左武郎右武郎以上並在朝奉郎之下 錢各二十  
貫 春縮五匹 冬縮七匹 綿二十兩

武功郎武德郎武顯郎武節郎武略郎武翼郎武義

郎並在承議郎之下 以上各料錢二十 貫厨料  
米麩各一石 春縮五匹 冬縮七匹 綿二十兩訓武

郎料錢一十七 貫春縮五  
匹 冬縮七匹 綿二十兩脩武郎料錢一十七 貫春  
縮五匹 冬縮七匹

綿二從義郎秉義郎並料錢十 貫帶職錢十二 貫春  
十兩 冬縮七匹 綿二十兩

忠訓郎忠翊郎並料錢七 貫帶職錢十 貫春  
冬縮各四匹 冬縮一十五兩成忠郎

五百七十八

身衣卷百十三

六

太子京州

保義郎

並料錢五貫帶職錢七貫春冬各緜各四匹

承節郎承信郎

並料錢四貫春冬各緜各三匹錢二貫文

進武校尉

料錢三貫春冬各緜各三匹

尉

料錢二貫春冬各緜各三匹

下班祗應

各隨差使理年不等自三

冬各緜各五匹春冬各緜各五匹

進武副尉

料錢三貫

進義副尉

進義副尉

料錢二貫

料錢職錢紹興仍政和之舊宰相樞密使料錢月三

百貫

政和左輔右弼為宰相舊制春冬服小綾各二十

匹各三十匹春羅一匹冬綿一百兩初建炎元年指

樞密院事參知政事樞密副使同知樞密院事簽書

樞密院事

料錢二百貫春冬服小綾各十匹

太師

太傅太保少師少傅少保

料錢三百貫春服羅三匹權支一匹小綾三十匹支

二十匹綃四十匹支三十匹冬服綾綃同綿二百兩支一百兩

以下職事官並支職

錢開封牧錢一百貫

春服羅一匹小綾綃各十匹冬服小綾十匹綃二十匹綿五十

兩太子太師太傅太保職錢二百貫

春服羅一匹小綾十匹綃二十

五匹冬服綾綃同綿五十兩

少師少傅少保百五十貫

春冬服小綾各七匹

綃各二十匹春羅一匹冬綿五十兩

御史大夫六部尚書

行六十貫試五十五貫試

五十貫春服羅一匹小綾五匹綃十七匹冬服綾綃同綿五十兩

翰林學士承旨翰

林學士五十貫

春服左右散騎常侍

行五十五貫試五十貫試四十

五貫春服小綾三匹綃十五匹羅一匹冬綾綃同綿五十兩

權六曹尚書御史中

丞六曹侍郎並同常侍太子賓客

行五十貫守四十貫試四十五貫

春服小綾七匹縮二十匹羅一匹冬綾縮同綿三十兩

太子詹事

錢衣同賓客小綾各上三

匹給事中中書舍人

行五十貫守四十五貫試四十貫服同詹事

左右諫

議大夫

行四十五貫守四十貫試三十七貫餘同舍人

權六曹侍郎

職錢四

同太常宗正卿

行三十八貫守三十五貫試三十二貫春冬衣隨官序

秘書監

行四十二貫守三十八貫試三十五貫

七寺卿國子祭酒

守三十五貫

試三貫太常宗正少卿秘書少監

行三十二貫守三十貫試二十八貫

中

書門下省檢正諸房公事左右司郎中

行四十貫守三十七貫試

三十貫國子司業少府將作軍器監

行三十二貫守三十貫試二十八貫

太子少詹事

行三十五貫守三十貫試三十貫

太子左右諭德

行三

貫守三十貫起居郎起居舍人侍御史

行三十五貫試二十九貫

試三十  
二貫  
左右司員外郎六曹郎中同殿中侍御史左

右司諫行三十五貫守三十貫試三十貫左右正言行三十貫試二十

七貫  
諸司員外郎同司少府將作軍器少監行三十貫

貫試二  
太子侍讀侍講行二十五貫守二十貫監察御史

同正  
太子中舍人太子舍人行二十貫守十八貫太常丞

太醫令宗正丞知太宗正丞秘書丞大理正著作行

十五貫  
郎任館職寺監丞簿評事法主簿寺簿正司直添

給職錢一十六貫指  
揮每月特支米三石七寺丞行二十貫秘書郎行

十二貫  
貫試一十八貫  
太常博士同七著作佐郎同秘國子

監丞同七大理司直評事同著少府將作都水監丞

宋史一百七十二  
卷之五  
勞  
羊  
寫

行二十貫  
守十八貫  
秘書省校書郎  
行十八貫  
守十四貫  
正字  
行十六貫

守十五貫  
試十四貫  
御史臺檢法主簿  
九寺簿  
守十八貫  
諸王

宮大小學教授  
太學武學博士  
行二十貫  
守十八貫  
諸王府

善贊讀直講  
記  
律學博士  
行十八貫  
守十六貫  
太常寺

奉禮郎  
十六貫  
太常寺太祝  
郊社令  
守十八貫  
太官令

十六貫  
五監主簿  
行十八貫  
守十六貫  
太學正錄  
武學諭  
行十八貫

七貫  
試律學正  
行十六貫  
守十四貫

樞密院官屬都承旨  
承旨  
料錢四十貫  
職錢三十貫

四小綾  
三匹  
綸十五匹  
冬服小副都承旨  
料錢三十貫

十貫  
副承旨  
諸房副承旨  
十五貫  
若諸房副承旨  
同

主管承旨  
司公事  
加五貫  
春衣羅一匹  
綸十五匹  
冬

緇同綿  
三十兩  
檢詳諸房文字  
職錢三十五貫  
食錢每日五百  
計議編脩

官  
添支錢十貫  
第三等折食錢  
每日五百  
凡諸職事官職錢不

言行守試者準行給職事官衣如寄祿官例及無立

定則例者隨寄祿官給職料錢米麥計實數給兩應

給者從多給  
謂職錢  
米麥  
諸承直以下充職事官  
謂大理  
司直評

事秘書省正字太學博士正錄武學博士諭律學博士正聽支階官請受添給諸

稱請受者謂衣糧料錢餘並為添給舊制觀文殿大

學士三十貫  
米三石  
麩五石  
觀文殿學士資政保和殿大學

士二十貫  
米三石  
麩五石  
資政保和殿學士十五貫  
米三石  
麩五石

同上  
春冬小綾各五匹  
緇各十匹  
春羅一匹  
冬綿五十兩  
龍圖天章寶文顯謨



徽猷敷文閣學士直學士十五貫春冬小綾各三匹

一匹冬綿保和殿龍圖天章寶文顯謨徽猷敷文閣

五十兩待制同先是大觀或言添支厚薄不均其後自學士

而下改名貼職錢觀文殿大學士貼職錢一百貫文

添支米三石麩五觀文殿學士資政保和殿大學士

石萬字茶二斤資政保和殿學士貼職錢

支錢十貫添支米麩同端明殿學士貼職錢

米麥同添支米麩同萬字茶二斤端明殿學士

綾五匹綸一十七匹綿五十五兩羅一匹龍圖天章寶文顯謨徽猷敷文閣學士樞密直學

貼職錢五十貫米麥二十石添支米三石麩五石萬

字茶二斤春冬綾五匹綸一十七匹羅一匹冬綿五士正三品貼職錢四十貫米麥各一十石添支米二

石麩五石萬字茶二斤春冬綾五匹綸一十七匹

春羅一匹冬綿五十兩 龍圖天章寶文徽猷敷文閣直學士保

和殿待制貼職錢三十貫米麥各一十七石五斗春冬綾各三匹縮一十五匹春羅一匹冬綿

五十兩 龍圖天章寶文顯謨徽猷敷文閣待制貼職錢二十貫

米麥各一十二石五斗春冬綾各三匹縮一十五匹春羅一匹冬綿五十兩 集英殿脩撰

右文殿脩撰秘閣脩撰以上貼職錢各一十五貫 直龍圖天章寶

文閣直顯謨徽猷敷文閣直秘閣以上貼職錢各一十貫 宣和

間罷支貼職錢仍舊制添支紹興因之令諸觀文殿

大學士至保和殿大學士料錢春冬服隨本官資政

殿學士至待制料錢隨本官春冬服從一多給又諸

學士添支錢曾任執政官以上者在京外任並支其

餘在京支外任不支米麪茶炭奉馬僉人衣糧內外

任並給酒添支馬草料外任勿給外此有依祖例添

支如六部尚書而下職事官分等第支厨食錢自十

錢五貫至九貫凡四等並依宣和指揮脩書官折食

有特旨添支如紹興元年指揮館職寺監丞簿評事

貫六年指揮五寺三監秘書大宗正丞太常博士著

作秘書校書郎著作佐郎正字大理寺正司直評事

臺簿刪定官檢鼓奏告院特

支米三石計議編脩官一石

宰相紹興三公侍中中書尚書令左隨身七

十人知樞密院事參知政事樞密副使同知樞密院

事一百石隨身五十人太師太傅太保少師少傅少

保一百石舊制百隨身一百人太尉一百石隨身五

十人節度使奉祿類元隨五十人承宣使元隨五

十人觀察使防禦使元隨三十人團練使已上並具

元隨三十人諸州刺史同上元隨二十人通侍大夫正

侍大夫宣正大夫履正協忠中侍中亮大夫祿粟儉

奉祿捧日天武左右廂都指揮使遙郡團練使五十

石儉十人龍神衛右廂都指揮使殿前諸班直都虞

候諸軍都指揮使遙郡刺史二十五石儉五人龍神

軍都指揮使帶諸學士添支米已附于前今載觀文

遙郡刺史同宋史一百七十二

四百二十三  
殿大學士儻二十人觀文殿學士資政保和殿大學士儻十人資政保和殿學士龍圖天章寶文顯謨猷猷敷文閣學士儻七人樞密都承旨儻十人副都承旨諸房副承旨七人其餘京畿守令幕職曹官自十石七石五石至于二石各有等中書堂後官提點五房公事逐房副承旨自七人五人至于一人各有數因仍前制舊史已書凡任宰相執政有隨身太尉至刺史有元隨餘止儻人

紹興折色凡祿粟每石細色六斗

米麥中支管軍給米六分麥四分

隨身元隨儻人糧每斗折錢三十文衣紬絹每匹一

貫布每匹三百五十文綿每兩四十文

公用錢

自節度使兼使相有給二萬貫者其次萬貫至七千貫凡四等節度使萬貫至三千貫凡四等節度觀察留後五千貫至二千貫凡四等觀察使三千貫至二千五百貫凡二等防禦使三千貫至千五百貫凡四等團練使二千貫至千貫凡三等刺史千五百貫至五百貫凡三等亦有不給者觀察使以下在京守邊要或加錢給者罷者如故皆隨月給受如祿奉焉

觀察使以下在京守

京守在

咸平五年令河北河東京師月給者玉清昭應宮使

陝西諸州皆逐季給勞華寫

百千景靈宮使崇文院七十千會靈觀使六十千祥  
源觀都大管勾五十千御史臺三百千大理寺二百  
五十三千刑部九十六千舍人院二十千太常寺二  
十五千秘閣二十千宗正寺十五千太常禮院起居  
院十千門下省登聞檢院鼓院官誥院三班院各五  
十千歲給者尚書都省銀臺司審刑院提舉諸司庫  
務司每給三十千用盡續給不限年月餘文武常參  
官內職知州者歲給五千至百千凡十三等皆長吏  
與通判署籍連署以給用少卿監以上有增十千至

百千者

淳化元年九月詔諸州軍監縣無公使處遇  
誕降節給茶宴錢節度州百千防團刺史州

五十子監三泉縣三十千嶺南州  
軍以幕府州縣官權知州十千

給券

文武群臣奉使於外藩郡入朝皆往來備饗餼又有

賓幕軍將隨身牙官馬驢索馳之差節察俱有賓幕

以下中書樞密三司使有隨身而無牙官軍將隨諸

司使以上有軍將索馳餘皆有牙官馬驢諸州及四

夷貢奉使諸司職掌祇事者亦有給馬四夷有譯語

醫十券頭首領部署子弟之名貢奉使京朝官三班

有廳頭子將推船防授之名職掌有兼外任無添給者止續給之京府按事畿內幕職州縣

出境比較錢穀覆按刑獄並給券其赴任川陝者給



三百八十八  
驛券赴福建廣南者所過給倉券入本路給驛券皆  
至任則止車駕巡幸群臣扈從者中書樞密三司使  
給館券餘官給倉券

職田

周自卿以下有圭田不稅晉有芻藁田後魏宰人之  
官有公田北齊一品以下公田有差唐制内外官各  
給職田五代以來遂廢咸平中令館閣檢校故事申  
定其制以官莊及遠年逃亡田充悉免租稅佃戶以  
浮客充所得課租均分如鄉原例州縣長吏給十之  
五自餘差給其兩京大藩府四十頃次藩鎮三十五

頃防禦團練州三十頃中上刺史州二十頃下州及  
軍監十五頃邊遠小州上縣十頃中縣八頃下縣七  
頃轉運使副十頃兵馬都監押砦主釐務官錄事參  
軍判司等比通判幕職之數而均給之景德二年七  
月詔諸州職田如有災傷準例蠲課大中祥符九年  
殿中侍御史王奇上言請天下納職田以助振貸帝  
曰奇未曉給納之理然朕每覽法寺奏款外官占田  
多踰徃制不能自備牛種水旱之際又不蠲省致民  
無告遂罷奇奏因下詔戒飭之天聖中上患職田有  
無不均吏或多取以病民詔罷天下職田悉以歲入

租課送官具數上三司計直而均給之朝廷方議措置未下仁宗閱具獄見吏以賄敗者多惻然傷之詔復給職田毋多占佃戶及無田而配出所租違者以枉法論又十餘年至慶曆中詔限職田有司始申定其數凡大藩長吏二十頃通判八頃判官五頃幕職官四頃凡節鎮長吏十五頃通判七頃判官四頃幕職官三頃五十畝凡防團以下州軍長吏十頃通判六頃判官三頃五十畝幕職官三頃其餘軍監長吏七頃判官幕官並同防團以下州軍凡縣令萬戶以上六頃五千戶以上五頃不滿五千戶並四頃凡簿

尉萬戶以上三頃五千戶以上二頃五十畝不滿五  
千戶二頃錄事參軍比本判官曹官比倚郭簿尉發  
運制置轉運使副武臣總管比節鎮長吏發運制置  
判官比大藩府通判安撫都監路分都監比節鎮通  
判大藩府都監比本府判官黃汴河許汝石塘河都  
大催綱比節鎮判官節鎮以下至軍監諸路走馬承  
受并砦主都同巡檢提舉捉賊提點馬監都大巡河  
不得過節鎮判官在州監當及催綱撥發巡捉私茶  
鹽賊盜駐泊捉賊不得過簿尉自此人有定制士有  
定限吏以職田抵罪者視昔爲庶幾焉至熙寧間復

詔詳定凡知大藩府

江三京京兆成都太原荆南

二十

頃節領十五頃餘州及軍

淮陽無為臨江廣德興國南康南安建昌邵武興化

並十頃餘小軍監七頃通判藩府八頃節鎮七頃餘

州六頃留守節度觀察判官藩府五頃節鎮四頃掌

書記以下幕職官三頃五十畝防禦團練軍事推官

軍監判官三頃令丞簿尉萬戶以上縣令六頃丞四

頃不滿萬戶令五頃丞三頃不滿五千戶令四頃丞

二頃五十畝簿尉減令之半藩府節鎮錄參視本州

判官餘視幕職官藩府節鎮曹官視萬戶縣簿尉餘

視不滿萬戶者發運轉運使副視節鎮知州開封府

界提點視餘州發運轉運判官常平倉司提舉官視  
藩府通判同提舉視萬戶縣令發運司幹當公事視  
節鎮通判轉運司管幹文字提刑司檢法官提舉常  
平倉司幹當公事視不滿萬戶縣令蔡河許汝石塘  
河都大催綱管幹機宜文字府界提點司幹當公事  
視節鎮判官總管視節鎮知州路分鈐轄視餘州知  
州安撫路分都監州鈐轄視節鎮通判藩府都監視  
本州判官諸路正將視路分都監副將視藩府都監  
走馬承受諸州都監都同巡都大巡河並視節鎮判  
官巡檢堡砦都監砦主在州監當及催綱撥發巡捉

私茶鹽賊盜駐泊捉賊並視幕職官巡轄馬遞鋪監  
堰并縣鎮砦監當並視本縣簿尉諸路州學教授京  
朝視本州判官選人視本州曹官又詔成都府路提  
點刑獄司以本路職田令逐州軍歲以子利稻麥等  
拘收變錢從本司以一路所收錢數又紐而爲斛斗  
價直然後等第均給自熙寧三年始知成都府一千  
石轉運使六百石鈐轄二員各五百石轉運判官視  
鈐轄通判二員各四百五十石簽判節推察推知錄  
幹當糧料院監軍資庫都監都巡檢巡檢以大使臣  
走馬承受京朝官知縣各二百石

內職官係兩使支  
掌以上資序者同

如係初等及權入監商稅市賈院交子務係京朝官

者各一百五十石巡檢排岸十縣巡檢係三班各一百

者充視職官城外巡檢排岸十縣巡檢係三班各一百

五十石司理司戶司法府學教授係數劄監甲仗庫

各一百石知眉蜀彭雅邛嘉簡陵州永嘉軍視成都

通判其通判減三之一知威黎茂州視眉蜀通判其

都監監押駐泊都巡檢係大使簽判推判官係兩使

支掌以知錄京朝官并職官知縣監棚口鎮係京朝官視

成都職官監押巡檢同巡檢駐泊係三班初等職官

或權入職官錄事參軍縣令試銜知縣視成都城外

巡檢司理司戶司法諸縣主簿尉應監當場務選人



監稅監鹽巡轄馬鋪

使係三班

視成都曹官應諸縣令

佐係職員權攝者不給歲有豐凶則數有少剩皆隨

時等級為之增減

初權御史中丞呂誨御史知雜劉述奉詔同均定成都梓利夔四路

職田誨等以成都路歲收子利稻麥桑絲麻竹等物逐處不同遂計實直紐作稻穀一色每斗中價百有

二十自知成都府以官屬等第均定及再詔詳定而三路數少均分不足用定到成都路數目以聞中書

再行詳定元豐中詔熙河涇原蘭州路州軍官屬職田

每頃歲給錢鈔十千

以其元給田及新造之區募弓箭手及留其地以為營田元

符三年朝散郎杜子民奏職田之法每患不均神宗

首變兩川之法均給上下一路便之元祐中推廣此

意以限月之法變而均給士大夫貪冒者或窮日之

力以赴期會或交書請屬以倖權攝奔競之風長廉  
耻之節喪乞復元豐均給之法以養士廉節從之建  
中靖國元年知延安府范純粹奏昨帥河東日聞晉  
州守臣所得職田因李君卿爲州諭意屬邑增廣租  
入比舊數倍後襄陵縣令周汲力陳其弊郡守時彥  
歲減所入十七八佃戶始脫苛斂之苦而晉絳陝三  
州圭腴素號優厚多由違法所致或改易種色或遣  
子弟公阜監獲貪汚猥賤無所不有乞下河東陝西  
監司悉令改正從之大觀四年臣僚言圭田欲以養  
廉無法制以防之則貪者奮矣姦吏挾肥瘠之議以

逞其私給田有限課入無筭祖宗深慮其弊以提點  
刑獄官察之而未嘗給以圭租庶不同其利而公其  
心也近歲提點刑獄所受圭租同於他司故積年利  
病壅於上聞元豐舊制檢法官其屬也當視其長自  
元祐初併提舉常平司職事入提刑司兼領編敕遂  
將提舉官合給之數撥與提刑司參詳修立而檢法  
官亦預焉詔依舊法政和八年臣僚言尚書省以縣  
令之選輕措置自不滿五千戶至滿萬戶遞增給職  
田一頃夫天下圭租多寡不均久矣縣令所得亦復  
不齊多至九百斛如淄州高苑八百斛如常之江陰

六百斛常之宜興亦六百斛自是而降或四五百或  
三二百凡在河北京東京西荆湖之間少則有至三  
二十斛者二廣福建有自來無圭租處川峽四路自  
守倅至簿尉又以一路歲入均給令固不得而獨有  
今欲一槩增給一頃豈可得哉詔應縣令職田頃畝  
未及條格者催促標撥宣和九年詔諸路職官各有  
職田所以養廉也縣召客戶稅戶租佃分收災傷檢  
覆減放所以防貪也諸縣多踰法抑都保正長及中  
上戶分佃認納不問所收厚薄使之必輸甚至不知  
田畝所在虛認租課聞之惻然應違法抑勒及詭名

委保者以違詔論災傷檢放不盡者計賊以枉法論  
入己者以自盜論靖康元年詔諸路職田租存田亡  
者並與落租額紹興間懼其不均則詔諸路提刑司  
依法標撥官多田少即於隣近州縣通融湏管數足  
又詔將空閑之田爲他司官屬所占者撥以足之仍  
先自簿尉始其有無職田選人并親民小使臣每貧  
月支茶湯錢一十貫文內雖有職田每月不及十貫  
者皆與補足所以厚其養廉之利懼其病民則委通  
判縣令覈實除其不可力耕之田損其已定過多之  
額凡職租不許輒令保正催納或抑令折納見錢或

無田平白監租或以虛數勒民代納或額外過數多  
取皆申嚴禁止之令察以監司坐以賊罪所以防其  
不廉之害罷廢未幾而復舊拘借未久而給還移充  
糴本轉收馬料旋復免行皆所以優恩厲清操也  
若其頃畝多寡具有成式知藩府

謂三京潁昌京兆成都太原建康江

陵延安興仁隆德開德臨安府秦揚潭廣州

二十頃發運轉運使副總管

副總管知節鎮一十五頃知餘州及廣濟淮陽無為

臨江廣德興國南康南安建昌邵武興化漢陽永康

軍并路分鈐轄一十頃發運轉運判官提舉淮南兩

浙江南荆湖東西河北路鹽運事官通判藩府八頃知

餘軍及監并通判節鎮州鈐轄安撫副使都監路分

都監將官發運司幹辦公事七項通判餘州及軍滿

萬戶縣令六項藩府判官錄事參軍州學教授並謂承務

郎以都監發運轉運司主管文字滿五千戶縣令副

將官節鎮判官錄事參軍州學教授並謂承務轉運

司主管帳司不滿五千戶縣令滿萬戶縣丞餘州都

監走馬承受公事主管機宜文字同巡檢都大巡河

提點馬監四項節度掌書記觀察支使藩府及節鎮

推官巡檢縣鎮砦都監砦主巡捉私茶鹽駐泊捉賊

在城監當餘州判官學教授並謂承務郎以上者軍

監都監三頃五十畝軍監判官餘州推官餘州及軍  
監錄事參軍巡檢縣鎮砦都監砦主巡捉私茶鹽駐  
泊捉賊在城監當藩府及節鎮曹官州學教授謂承直郎  
以滿五千戶縣丞滿萬戶縣簿尉巡轄馬遞鋪縣鎮  
砦監當及監堰三頃餘州及軍監曹官州學教授謂承直郎  
以不滿五千戶縣丞滿五千戶縣簿尉巡轄馬遞  
鋪縣鎮砦監當及監堰二頃五十畝不滿五千戶縣  
簿尉巡轄馬遞鋪縣鎮砦監當及監堰二頃

志卷第一百二十五



[ G e n e r a l I n f o r m a t i  
o n ]

书名 = 百衲本二十四史 宋史 46

作者 = (元)脱脱等奉敕修

页数 = 143

出版社 = 商务印书馆

出版日期 = 1937

SS号 = 12460401

DX号 = 000007544134

url = http://book2.d  
uxiu.com/search?&c  
hannel=search&gtag  
=&sw=%B0%D9%F1%C4%  
B1%BE%B6%FE%CA%AE%  
CB%C4%CA%B7++%CB%  
E%CA%B7++46&year=&  
sectyear=&seb=0&pi  
d=0&showc=0&fenlei  
ID=&Pages=1&search  
type=1